


ANG MGA BUHAT MAO'Y

PAGTOO NGA NADAYAG

 Salamat. Maayo gayud ang mahianhi dinhi, niining gabhiona, pag-usab. Wala ko masayod kon giunsa nila sa pagpakahibalo nga ako magapang-ampo alang sa masakiton. Ang tagsatagsa nanganhi aron sa pagpa-ampo. Kabalo mo, nagatoo ako nga kon kamo nagasunod sa pagpanguna sa Espiritu, mao kini ang maayo. Kana ang pinakamaayo, mao kana ang Mensahe nga wala gayud nagakapakyas.

² Karon, sa nagalingkod ako sa maong lawak niining adlaw, human sa...usa ka ministro nga suod gayud sa akong kasingkasing (tulo sila), tulo sa akong maayo kaayong mga higala, ila akong giingnan nga moabot sila aron sa pagpakigpaniudto uban kanako. Ug gihunahuna ko, “Bueno, maayo kaayo kana,” nahibalo na mo.

³ Busa ako—ako mikaon lang ug diyutay sa pamahaw kay sigurado ako sila’y mobayad niini, nakita n’yo, ug ako... mabusog gyud sa paniudto. Busa miabot ang alas 12:00, ug ala 1:00, ug ang alas 2:00, wala pay bisan usa didto. Busa adunay... ang pulis nagagukod sa usa ka kriminal, didto sa tugkaran, ug busa mikanaug ako aron tan-awon kadtong maong panghitabo. Dili ko man lang makita si Igsoong Jack. Mao diay, nahibaloan ko, sayup nga numero ang gihatag kaniya sa lalaking taga-hotel; ug sayup ang ginatawagan niyang pultahan, sa tanang higayon, kon diin nga ako—ako wala diha. Magpalibre na lang ako kaniya, sa utro, bisan pa niana, sa ubang higayon. Siya ug si Igsoong Tracy, malipayon gyud akong makita sila ug si Igsoong Brown niining gabhiona. Daw sa gikinahanglan na naman nga mobalik ta ani sa Arizona pag-usab.

⁴ Mahinumdoman ko ang sa pag-agi sa desirto sa miaging adlaw. Akong giingnan ang akong asawa, sa likuran, ako miingon, “Dinhing dapita si Igsoong Jack nagalingkod sa likod niining gamay’ng Chevrolet.” Si Igsoong Brown ug siya nagkalantugi kabahin tanan sa—sa orihinal nga kabuhatan, kon gibuhat ba kini sulod sa unom ka mga adlaw o kon gibuhat ba kini sulod sa unom ka milyon ka mga katuigan. Kanay usa nga maayo.

⁵ Sila nagkalantugi’g maayo, nanggawas sila ug ningkuha ug kinumkum nga mga bato, ug ang usa mopasalipod sa usa ka poste, ug ang usa naman sa usa, ug magbinatohay ang usa’g usa kutob sa ilang mahimo. Dili nila mahusay kini niadtong paagiha, moingon, “Malumbaan ta ka sa dagan.” Didto sa dalan

naglumbaananay sila; si Igsoong Jack, medyo gamay'ng tawo, kutob lang gayud siya sa iyang mahimong pag-ikis-ikis; ug si Igsoong Young pinaagi kadtong tag-as niyang mga tiil, kabalo na mo. Wala pa gayud ako nakatawa ug maayo ug kadto pa sa akong kinabuhi!

⁶ Dayon, mibalik si Igsoong Jack sa sakyanan ug gihubo ang iyang sapatos. Si Igsoong Sharritt mihatag kanamo ug usa ka dakung sakong mga kahil, ug iyang natunga kini sa wala pa kami nakaabot sa Shreveport.

⁷ Abi n'yo, mga bulawanong adlaw kadto, bisan pa. Oo, sir, mga bulawanong adlaw kadto. Nasayod akong daw sa kumidya kini pamation, daw kataw-anan, apan kini kamatuoran. Apan kita . . . adunay butang bahin niana, samtang nagakatigulang ka ug nagasugod pagpabilin sa imong hunahuna. Ginahunahuna mo kadtong mga adlaw nga imong gipangandoy nga kon mahimo mong makinabuhian pag-usab, tinuod kana, ang atong batan-on pang mga adlaw. Ug samtang kita nagakatigulang, tanan sila nahimong mga hulagway. Malipayon ako kaayo nga kadto'y putli ug balaan, ug inigsoonay nga pagpakigkauban, diha sa gugma. Sa pagpakahibalo nga paingon kita ngadto sa maong Yuta kon diin dili na gayud kita magakatigulang pa, kon diin . . . nianang maanindot nga Yuta, didto, diin dili na gayud kita, dili na gayud matigulang o dili na gayud mamatay pa.

⁸ Usa sa atong bililhong mga igsoon nga lalaki, minahal kaayo natong tanan, bag-o pa lang siya milabang nianang Yutaa. Ug sa matag higayon nga ako nagaanhi niining plataporma, ako—ako sigurong mahunahunaan si Igsoong Lyle. Gilantaw ko kagabii ug nakita ko si gamay'ng Judy nga nagalingkod sa dapit didto, ug nagakubakuba ang akong kasingkasing, nagahunahuna ako kon unsa na ang iyang gibati. Ug ako nasayod nga sa dihang si papa namatay kon sa unsa nga . . . Apan kinahanglan lamang nato maagihan kanang maong mga kasinatian sa pag-antus aron masayod kon unsa ang ginabati sa lain pang tawo.

⁹ Nagatoo akong nagalantaw ako sa usa ka higalang edaran na nga ministro nga nagalingkod dinhi. Dili lang ko makahingalan kaniya. Husto ba kana, nagapang-ampo ka sa masakiton sa una dinhi, sa tanang higayon, sa nanglabay nang mga katuigan? [Adunay nagaingon, "Gerholtzer."—Ed.] Gerholtzer, kanang—kanang Aleman nga ngalan, dili ko gayud kini makuha dayon. Igsoong Tracy, nahinagbo ko siya didto. Ug naila ko siya sa mga napulo na ka tuig, ug miingon ko, "Wala ra man ka matigulang sa unom ka bulan sulod nianang napulo ka mga tuig." Nagakinabuhi kita sa usa ka kalibutan nga mahanaw sa umalabot nga adlaw.

¹⁰ Karon, niining gabhiona, ako'y . . . Nagabhian gyud kamo sa miaging gabii, paningkamotan ko nga dili buhaton kana karong gabii. Humanon ang akong pagsaysay; nahunahunaan

ko ang bahin sa, karong gabii, ang pagwali sa—sa usa ka hisgotanan ang *Pagsakgaw*, sa Iglesia. Kung giunsa nga ang mga kahimtang, ingon sa akong nakita diha sa Kasulatan, kon unsa ang kinahanglan nga mga kahimtang sa Iglesia alang sa Pagsakgaw, ug kon unsa ang magakahitabo sa dili pa gayud mahitabo ang Pagsakgaw, ug kon giunsa kini sa pagkahitabo. Ug kitang tanan nagatoo sa Pagsakgaw, dili ba? Nagatoo kita Niini. Ug dayon, dihadiha, Aduna na lang miingon, “Pag-ampo alang sa masakiton, karong gabii.” Ug bag-ohay lang ako naniudto kaniadto uban ang usa ka gamay’ng igsoon nga Mexicano didto, ako miadto ug gihapitan siya diha sa dalan. Siguro ania siya karong gabii, siya ug ang iyang asawa.

¹¹ Ug dayon adunay miabot, nag-testimonyo kanako. Miingon, “Kon. . . Diha sa mga hawanan o diha sa iglesia,” ang maong babaye miingon, “may usa ka tawo didto, nga, sa pagtoo ko kini mga usa na ka tuig ang milabay, nga siya naglina diha sa linya sa pagpang-ila.” Ug nagahunahuna ako, karong gabii, nga magkaaduna lang ug usa ka karaang kasagarang linya sa pagpaampo, sama kang Igsoong Jack ug Igsoong. . .

¹² Si Igsoong Young Brown sa una nagapanghatag ug mga prayer card alang kanako. Ug nakaplagnan ko siyang matinud-anon gayud ug wala gayud masakpi nga namaligya sa kard o nga nagabuhat ug bisan unsa nga dili maayo, siya’y matarung gayud. Ug atong nasakpan sila nga nagasulay sa paghimo niana, nasayod na mo. Busa—busa kami. . . Si Igsoong Young, anaa mismo sa maong bulohaton sa tanang panahon, ug matinud-anon. Ug akong mahinumdoman, nagatindog siya sa una ug ginakuha ang mga kard, ug ginadala sila diha sa maong linya. Ako silang ampoan ug mosunod sila, kanang walay-sagol lang gayud nga pagtoo nga atua niadtong mga tawo, kon sila makaduol lang kanimo mangaayo sila. Ug siguro may kaluhaan ka mga pagpang-ayo kaniadto kay sa usa, sa kung unsay aduna kanato karon.

¹³ Dayon, kining estorya midangat niining hapon mahitungod sa usa ka tawo, siya tingali ania dinhi karon. Nga siya kaniadto atua sa maong linya sa pagpaampo, usa na ka tuig ang milabay, kon diin man, ug—ug siya may. . . giingon, diha sa maong pagpang-ila gikasugilon nga aduna siya’y bayuok. Ug gisulti sa mga doktor kaniya, human nga nasakit sa bayuok, nga dili na gayud siya makabaton pa ug usa ka bata nga babaye, ug sa una pa niyang gipangandoy nga magkaaduna’y usa. Sa pagtoo ko aduna na siya’y mga batang lalaki. Apan sa maong pananawon gikan sa Ginoo, kini giingon kaniya, “Apan makabaton ka nianang bata nga babaye.”

¹⁴ Ug miingon siya nga dala niya ang maong gamay’ng batang-babaye dinhi niining gabhiona. Wala ko makaila sa maong lalaki, tingali. . . ania—ania ba siya taliwala sa mga mananambong, o ang—ang maong tawo nga akong gihisgotan?

Kon asa man? Wala ako mahibalo, aduna lang misugilon kanako bahin niini, sa gawas. Oh, ania ra ang maong bata nga ginakugos dinhi, napahimutang dinha dapit. Maayo kana. Maayo kaayo kana. Daw sa unsa ka makalilingaw nga gamay'ng bata. Dili lang kaayo halayo nga maagihan ang tanan. . . ang matahum gayud, nga gamay'ng bata, ako siyang paanhion dinhi ug mohatag ug testimonyo. Tingali himoon niya ugma, o sa ubang panahon sa dihang aduna kita'y pagserbisyo.

¹⁵ Karon, ugma sa buntag mao ang Business Man's Breakfast. Inyo na bang napahibalo kini, sa pagtoo ko? Ug bueno maayo kana.

¹⁶ Ug karon magkaaduna kita'y usa ka diyutay—diyutay'ng pagtuon mahitungod sa Balaanong pagpang-ayo. Pila ba ang nagatoo niini? Oh, sus, mamahimong usa kini ka mahimayaong gabii, sa dihang aduna mo'y ingon nianang mga pagtoo. Mga tawong nagatoo niini, mao kanay gikinahanglan niini. Alang kini sa mga magtotoo.

¹⁷ Karon, nianang higayona, mikuha ko ug lapis ug misugod sa pagsulat sa pipila ka teksto ug uban pa, ug ang. . . ug unya si Billy nanuktok sa pultahan ug miingon, "Papa?"

¹⁸ Ako miingon, "Hulat lang sa kadali, wala pa kini nako mahuman."

¹⁹ Siya miingon, "Apan, si Igsoong Jack nagahulat na kanimo." Busa, ako—ako kinahanglan na nga mogawas. Akong gipaipitan, wala ko'y pang-ipit sa papel, may nakuha akong usa sa mga "johnny pins" ni Meda o ubang matang sa pang-ipit nga gitawag nila'g "bobby pin." Mao kana'y unsa kadto, "bobby pin," usa ka matang lang sa pang-ipit. Ug—ug wala ako masayod kaayo kabahin nianang mga butanga, kabalo na mo, ug ako lang nakita kining napahimutang didto. Busa, karon aron sa pang-ipit sa papel dinhi, aron malain kung unsay akong. . . maaduna ang mga nalista na alang sa buntag; ipanglain kadto, ang usa ngadto sa uban.

²⁰ Ug samtang nga nagakatigulang ako. . . mahimo ko sa una nga mahinumdoman ko pa silang mga Kasulatan ug ang mga butang sa dali ra kaayo. Apan, kabalo mo, daw sa malisod na buhaton. Nakasinati ka na ba nianang problemaha, Igsoong Jack, sa karon? Tinuod kana, oo. Gisuginlan ko si Igsoong Jack, dili pa lang dugay dinhi, miingon ko, "Kabalo ka, Igsoong Jack," miingon ko, "Nagakatigulang na ako mao nga dili na kaayo ko makahinumdom." Miingon ko, "Ako'y mosugod sa pagsulti sa usa ka butang, ug gikinahanglan ko pang mohulat."

Siya miingon, "Mao—mao lang ba kaingon-ana ka karon?"

Ug ako miingon, "Bueno, dili pa ba kana ingon ka lala?"

²¹ Siya miingon, "Dili." Miingon, "Aduna ko'y tawagan nga usa ka tawo sa telepono ug moingon 'Unsay imong gikinahanglan?'"

Nagdahum ako nga gikomedyahan mo lang ako niadtong tungora, Igsoong Jack, nakaplagaan kong tinuod diay kana.

²² Oo, sir. Sus, kung unsa ka diay nga makalimot. Apan himoon nato ang tanan natong mga buhat sa husto, tungod kay kana tanan anaa sa usa ka basahon, usa ka listahan nga igapatukar diha sa adlaw sa paghukom.

²³ Karon, sama kita sa usa ka dakung pamilya. Ug wala ako nagatoo nga nakakonekta kita karong gabii, sa tibuok nasud, sama sa akong pagwali sa akong mensahe kagabii. Sa pagtoo ko nga kini'y alang lang sa lokal nga panagtigum dinhi. Busa, kagabii, ginapasalamatan ko gayud ang inyong maayong pagtagad sa pagbarog. . . Dili ko buot nga. . . Dili ko buot panghimuslan ang kaayo ni Igsoong Jack. Apan kanunay niyang gisulti kanako, "Isulti ang kon unsa may gusto nimo." Ug busa miadto na lang ako sa plataporma ug miwali ug dyutay'ng doktrina. Apan, aron lang atong. . . kon ang pipila sa akong mga kaigsoonan sa denominasyon.

²⁴ Aduna ako'y usa ka damgo, sa miaging buntag. Dili ako tigdamgo sa kanunay, dili ako usa ka magdadamgo. Apan ako—ako nagdamgo nga nakita ko ang usa ka tawo, usa ka batan-on nga naka-talikala, nagapaninguha siya sa paglingkawas, ug ako miingon. . . May miingon kanako, nag-ingon, "Makahahadlok kana nga mga tawo, ayaw pagpakighilambigit kanila."

²⁵ Ug akong nakita kining batan-on nga nagakalingkawas sa iyang mga talikala busa ako lamang siya gipasagdan. Ako naghunahuna, "Tan-awon ko kung unsay iyang buhaton." Busa sa dihang siya nakalingkawas na, usa siya ka maayong tawo. Ug nakita ko ang uban pa nga nagapaninguha sa pagpakalingkawas.

²⁶ Karon, usa lamang kini ka damgo. Ug milakaw ako niining dalana ug akong nakita ang usa—usa ka igsoon, si Roy Borders, usa ka suod ko kaayong amigo, nga nagapuyo sa California. Daw sa may butang nga diperensiya, napikot sa katunga ang iyang mga mata, ug may nagdakung. . . tingali kanser o ingonanang butang nga anaa sa iyang mga mata. Ug ako. . . adunay nagapaninguha sa pagbira kanako palayo gikan kaniya. Ako misinggit, "Igsoong Borders! Sa Ngalan ni Ginoong Jesus, pahawa diha niana!"

²⁷ Ug siya halos dili makalitok, sa pag-ingon, "Igsoong Branham, nagkinahanglan kini ug usa ka butang nga labaw pa niini. Dili lang ako makakapyot niini, Igsoong Branham. Dili lang gyud ako makakapyot niini."

²⁸ Ako miingon, "O Igsoong Borders." Nahigugma ako kaniya.

²⁹ Ug adunay mibira kanako palayo, ug ako mitan-aw, ug usa kini ka babaye nga nagatindog dinhi dapit. Ang. . . sa dihang ako usa pa ka gamay'ng bata, ako—ako sa una nagapanghatud ug mga groseri gikan sa mga tindahan sa groseri ngadto sa mga

tawo. Ug ang iyang ngalan mao si Mrs. Fenton, siya nagapuyo sa gihapon sa Jeffersonville, usa ka suod nga higala namong magtiayon.

³⁰ Ug siya miingon, “Igsoong Branham, luwasa kami gikan niini.” Miingon, “Usa kini ka balay nga inferno.” Ug miingon, “Dili ka nahisabtan.” Ug miingon, “Niining mga. . . Ug dili mo—dili mo nahisabtan kining mga tawhana, usab.” Miingon, “Maayo kaayo kining mga tawhana, apan. . .” Ug gilantaw ko didto, ug dunay sama sa usa ka dakung bodega sa ilalum, o—o dagkung mga bongbong, ilalum sa usa ka daku kaayong langub; ug dagkung puthaw’ng mga rehas, walo o napulo ka mga pulgada ang kabagaon. Ug ang mga tawo, wala sa ilang mga pangisip, nangalubag na ang mga bukton ug mga tiil, ginapamukpok ang ilang mga ulo ingon *niana*. Ug ang babaye nagahilak, nagaingon, “Luwasa ang mga tawo, Igsoong Branham.” Miingon—miingon, “Tabangi kami, nia kami sa katalagman.” Ang babaye mismo, nakaila ako kaniya, nahisakup siya sa. . . Sa pagtoo ko sa church of Christ, o sa Cristohanong iglesia, nga gitawag ug Church of the Brethren. Busa siya. . .

³¹ Mitan-aw ako sa palibot, ug ako miingon, “Kung mahimo ko unta.” Ug sa pagpadayon, nagalantaw sa palibot; ug ang akong. . . sa akong gamay, niwang kaayong lawas ug—ug kanila nga mga dagkung, puthaw nga mga rehas; ug sa kadtong maong mga tawo didto. Ug dili ka makaduol ngadto kanila, dikit kaayo kadtong mga puthaw’ng rehas. Ug ako mitan-aw, ug ilang ginapamukpok ang ilang ulo sama sa daw wala na sila sa ilang mga pangisip.

³² Ug akong nakita ang mga nagkipatkipat nga mga kahayag sa palibot didto. Ug ako mihangad, ug didto si Ginoong Jesus nagatindog nga may—may—may mga kahayag sa balangaw libot diha Kaniya. Diretso mismo Siyang nagalantaw kanako, miingon, “Luwasa kadtong mga tawhana.” Ug Siya nawala.

³³ Ug gihunahuna ko, “Bueno, unsaon ko man sa pagluwas kanila? Ako—ako walay igong kusog sa akong mga bukton aron gubaon kadtong mga rehas.”

³⁴ Mao nga ako miingon, “Balay nga inferno, mabukas ka sa Ngalan ni Jesus Cristo.”

³⁵ Ug ang tanan nang paglagaak ug pagsiak, ug—ug mga bato nga nangaligid, ug—ug mga rehas nga nangatumba; ug ang maong mga tawo nanagpangalagiw, nagasinggit, “Nakalingkawas na!” ug nagasinggit diha sa hataas nilang tingog, ug nangaluwas ang tanan.

³⁶ Ug ako nagasinggit niadtong tungora, “Igsoong Roy Borders, asa ka? Asa man ka? Ginaluwas na sa Dios ang Iyang mga katawhan! Asa man ka, Igsoong Borders?” Nakahinuktok ako bahin niana.

37 Kabalo mo, nahadlok kaayo si Igsoong Borders. Kabalo na mo sa maong panagna, ang tanan. . . daghan kaninyo ang nahibalo, kuhaa n'yo ang mga teyp ug uban pa, ang bahin sa West Coast.

38 May mga tawong naglingkod dinhi, karong gabii, nga atua didto sa dihang nahitabo kana (sa dihang nagatindog kami didto, sa usa ka pagpangayam), usa ka ministro kinsa nagapaminaw sa miaging gabii. Nga buta ang usa ka mata, miadto lang siya didto ug siya miingon. . . mipaila sa iyang kaugalingon. Nagsul-ob siya ug de-kolor nga antipara, ibabaw didto sa bukid. Siya miingon, "Igsoong Branham," miingon, "Ako si Igsoong McHughes." Siya miingon, "Ako—nakatabang ako sa pagpangabaga sa usa sa imong mga tigum sa makausa, sa California."

39 Ako miingon, "Malipayon akong maila ka, Igsoong McHughes."

40 Gani adunay mga kaluhaan ka tawo nga nagatindog didto. Nagapangayam kami niadto sa baboy'ng ihalas. Ug ako miingon, sa adlaw sa wala pa mi mitungas sa bukid, miingon ako kang Igsoong Banks Woods. . . Tanan kamo nakaila na kaniya, usa ka suod nga higala. Ako miingon, "Igsoong Woods, . . ." Mipunit ug bato ug giitsa sa hangin, ug kini nahulog balik. Ug ako miingon, "MAO KINI ANG GINAINGON SA GINOO, adunay butang nga mahitabo."

41 Busa, siya miingon, "Unsa man kini, Igsoong Branham?"

42 Ako miingon, "Wala ako masayod, apan sulod sa kaluhaan ug upat ka mga oras imong makita. Adunay butang nga mahitabo. Usa kana ka dakung timailhan."

43 Ug pagkasunod nga adlaw. . . dapit na sa kahaponon kadto. Sa pagkasunod nga adlaw, mga alas diyes ang takna, nagapangandam na kami sa paghawa. Ang matag usa aduna nay ilang ihalas nga mga baboy, ug nagatindog kami didto. Ug si Igsoong McAnally, kabalo mo, ug tanan sila, ila na kadtong ginapanglimpyohan, ug—ug ako ug si Igsoong Borders; ug si Igsoong Roy Roberson, usa ka napiang nga beterano, usa ka mahal kaayo, bililhong amigo nako, ug nagatindog siya didto. Ug ako mihangad, ug si Igsoong McHughes miingon, "Igsoong Branham, ang Manulonda ba sa Ginoo mipadayag na kanimo sa dihang ikaw ania sa ingon niining mga pagpangayam?"

44 Ako miingon, "Igsoong McHughes, oo. Tinuod kana. Apan, nagaanhi ako dinhi aron sa pagpahulay."

45 Siya miingon, "Sige, Igsoong Branham," miingon, "Dili ko tuyo nga madisturbo ta ka."

46 Ako miingon, "Wala ka nakadisturbo kanako."

47 Ug milantaw ako sa palibot, ug akong nakita ang usa ka doktor nga nagasusi sa iyang mata. Karon, wala ko makaila

kaniya, nag-antipara siya ug de-kolor nga antipara, kay masilaw kaayo ug mainit sa Arizona. Ug gitan-aw ko kini, ug akong nakita ang usa ka doktor nga nagasulti kaniya, nagaingon, “Sir, mga tuig ko nang ginaatiman kanang maong mata, duha na ka tuig, mga ingon-niana.” Miingon, “Ang allergy nga aduna ka sa imong mata, mawala kanimo ang imong mata. Ginakaon niini ang imong panan-aw, ug wala na koy paagi nga mahunong kini.”

48 Ug ako miingon, “Alang sa kung unsa mo ako gipangutana niana, maoy tungod sa imong mata. Niana ang mga antipara mo tungod kay nagkaaduna ka’y diperensya sa mata.”

49 Siya miingon, “Tinuod kana.”

50 Ako miingon, “Ang imong doktor,” (gihulagway siya) “iya kang giingnan, sa pipila ka adlaw’ng milabay, nga ‘mawala kanimo kanang mata tungod kay ang—ang allergy ginakaon na ang panan-aw sa maong mata.’ Ug duha na ka tuig niya kining ginaatiman, ug dili niya kini mapugngan.”

51 Siya miingon, “Igsoong Branham, kana ang kamatuoran.”

52 Ug ako misugod sa pagliso ug mitan-aw, ug akong nakita ang usa—usa ka babaye nga mas edaran pa kay kaniya, daw sa itum ang pamanit. Lumad sila gikan sa usa ka dapit dinhi sa Arkansas. Ug gani iyang gilislis ang iyang—iyang—iyang saya ug gipakita ang iyang batiis sa iyang anak, ug miingon siya, “Anak, kon imong makita si Igsoong Branham, sultihi siya nga ampoan niya ang akong tiil.” Ug adunay mga tumor nga nagabitay tali sa iyang mga tudlo sa tiil ug mga butang.

53 Ako miingon, “Ang imong inahan usa ka ubanon na nga babaye, ug milislis siya sa iyang saya, mibira sa iyang—iyang stocking ug gipakita kanimo ang iyang mga tiil, ug miingon nga sultihan mo ako kon imo akong makita nga moampo alang kaniya.”

54 Ug siya miingon, “Oh, pagkaloy-i.”

55 Milingi ako ug ako siyang nakita nga nagatindog didto nga wala nay gisul-ob nga antipara, sa panan-awon, ako miingon, “MAO KINI ANG GINAINGON SA GINOO, giayo na sa Dios ang imong mata, ug giayo na ang imong inahan, usab.”

56 Mga nianang higayona, miliso ako. . . Karon, may tawo nga nagalingkod dinhi, nga nagatindog kaniadto didto. Giingnan ko si Igsoong Roy Borders. . . o si Igsoong Roy Roberson, giagbay ko akong kamot sa iyang abaga, kay usa siya ka beterano, miingon ko, “Igsoong Roy, pagtago diha sa kung unsa man, sa labing madali, adunay butang nga mahitabo.”

57 Siya miingon, “Unsay buot mong ipasabot, Igsoong Branham?”

58 Miingon ko, “Ayaw na’g sulti! Pagtago na sa kung unsa man, pagdali!” Ug miliso ako ug gipunit ang usa ka pala, didto sa

daplin sa maong lugar, ug milakaw palayo gikan kanila kay nasayod kong moabot kini sa kung asa man ako.

⁵⁹ Sa kilid mismo sa usa ka dakung pangpang, kawalo o kanapuloon ang kahabogon kaysa niining gambalay, usa kini ka “kahon” nga pangpang; ingon sa usa ka kalayo nga mikanaug gikan sa Kalangitan, sama sa usa ka alimpulos, pipila lang ka piye ibabaw sa akong gitindogan. Ug milangkat sa mga bato gikan sa maong bukid, giagihan ug gipangputol ang mga tumoy sa mga mesquite nga kahoy, diha sa mga usa ka gatus ka yarda. Ang matag-usa nanalagan na, naningkamot nga makatago ilalum sa mga truck ug sa kung unsa pa man. Mibalik kini sa taas pag-usab ug midahunog sama sa usa ka dakung lipak sa dalugdog. Mibalik paitaas sa kawanangan pag-usab, ug mikanaug pag-usab. Kana gihimo niini sa makatulong higayon. Ug sa dihang nahuman na kini, ningduol sila ug nangutana, “Unsa bay ipasabot niini?”

⁶⁰ Miingon ko, “Dili ko gustong isulti kaninyo; usa kadto ka timailhan sa paghukom. Diha sa pipila ka mga adlaw, usa ka dakung linog ang moigo sa Kasadpan. Ug dili kini mohunong. Ang California, ang Los Angeles moundlod. Mouldod kini. Modailos siya paingon mismo sa dagat.” Ug duha ka adlaw human niadto, gitay-og sa linog ang Alaska.

⁶¹ Ug dayon, diha sa kaulahiing panagtigum nako sa California, samtang nagasulti ako, ug wala gyud ako nahibalo sa panghitabo hangtud nga diha na ako sa dalan, gisultihan Niini ang California, miingon—miingon, “Capernaum, Capernaum, ang maong siyudad nga ginatawag sa ngalan sa mga manulonda,” (ang Los Angeles kana) “imong gituboy ang imong kaugalingon ngadto sa langit, apan igaunlod ka ngadto sa hades. Kay kon ang gamhanong mga buhat nga gibuhad diha kanimo gibuhad pa sa Sodoma, nagabarog pa kini unta hangtud niining adlaw.”

⁶² Karon, sa miaging pipila ka mga adlaw, mga dagkung pagdahunog ug mga pagsip-ak. Dayon, aniay migawas sa pamantalaan sa siyensiya, nag-ingon, “Kining tanan nangabuhobuho na, mamaunlod na kini gayud.” Nakahibalo gayud sila niini.

⁶³ Ug bantayi ninyo, ang mga tubig moderitso na pabalik ngadto sa Salton Sea. Alaut na ang Los Angeles ngadto sa paghukom. Ako na kamong ginasultihan sa dili pa kini nagakahitabo, aron nga masayod kamo sa dihang kini nagakahitabo na. Wala ko gayud kana gisulti pinaagi sa akong kaugalingon. Ug wala gayud Siya’y gitug-an kanako ug usa ka butang nga wala nahitabo. Ug makapamatuod kamo niana. Tinuod kana. Kon kanus-a man? Wala ako masayod.

⁶⁴ Migawas ako, ug ila akong gisuginlan kon unsay akong giingon. Ug ako nagpatalinghug, mibalik ug gisusi ang

Kasulatan. Kabalo mo, giingon ni Jesus, ang halos mao ra nga mismong mga pulong, bahin sa Capernaum; ug ang Sodoma ug Gomorra kadto—kadto atua na ilalum sa Dead Sea, sa pagtoo ko niadtong tungora. Ug human niadto, sa mga usa ka gatus ka tuig ang milabay, ang Capernaum midailos ngadto sa dagat, ug diha na kini karon sa dagat. Ang mao ra nga Dios nga nagpaunlod sa Sodoma sa dagat tungod sa iyang mga sala, ang mao ra nga Dios nga nagpaunlod sa Capernaum sa dagat tungod sa iyang mga sala, ang mao ra gihapong Dios ang magpaunlod sa Los Angeles ngadto sa dagat tungod sa mga sala niini, kanang maong siyudad sa—sa pagkadautan.

⁶⁵ Si Igsoong Roy Borders nalisang gyud kaayo. Wala ako masayod kon. . . unsa kanay buot ipasabot niana, o kon unsa man. Wala ako masayod.

Magaampo kita.

⁶⁶ Ginoo, maanindot kaayo ang pagpamatuod ngadto sa tinuod nga mga tigpaminaw. Kami nagatoo, Ginoo, tabangi ang among pagkakulang sa pagtoo. Ug among napamalandong nga kami nagapaingon na karon diha sa dalan ngadto sa katapusan sa kalibutan. Kon unsa mang panahona, wala kami masayod. Apan nianang sekretong pagsakgaw sa Pangasaw-onon; usa sa niining mga adlaw, Ginoo, kami paga—paga sakgawon, sakgawon uban Kaniya. Ug nagapaabot kami alang nianang adlaw. Andama ang among mga kasingkasing, Ginoo.

⁶⁷ Adunay daghan, among makita, nga napahimutang dinhi niining mga higdaanan ug mga dayungan, lalaki ug mga babaye nga gigapos sa kaaway. May mga tawong anaa dinha, nga tingali, kon dili Mo tandugon sila, mangamatay sila sa mga pag-ataki sa sakit sa kasingkasing. Tingali ang uban kanila giut-ot na diha sa kanser.

⁶⁸ Ug Amahan, nasayod Ka sa kasingkasing sa matag tawo. Nasayod Ka kon tinuod ba kini o dili tinuod. Ug among ginasulti kining mga butanga tungod nga kami nasayod kon unsay Imong gibuhay, ang Imong dakung gahum ang nagluwas sa kadaghanan gayud. Mga saksi kami niini, bisan pag ginasulayan nilang isulti kanamo nga “kanang mga butanga wala nagakahitabo.” Apan nagakahitabo kini Ginoo. Mga saksi kami niini.

⁶⁹ Nagaampo ako niining gabhiona, Ginoo, nga sa bisan pa magalig-on Ka sa pagtoo sa kasingkasing niining mga tawo, nga ang matag-usa kanila makalingkawas, ang tanang niining masakiton ug balatianon nga mga tawo. Hinaut nga kini masayon ra, Ginoo, itugot lang kanamo, samtang ginapaninguhaan namo ang pagtudlo sa Pulong. Itugot nga tangtangon sa Balaang Espiritu ang akong mga sayup, Ginoo, ug tul-iron kini diha sa mga kasingkasing sa katawhan. Ug himoon kining usa ka tinuod, tinuod kaayong kagabhion nga ang. . . nga mahimo Niyang ipuyo ang Iyang Kaugalingon sa kasingkasing sa

matag magtotoo dinhi. Among gigahin kining kagabhion alang nianang maong katuyoan, Ginoo. Hinaut nga kadtung kinsa wala pa naluwas, labaw pa sa tanang butang, magmaandam; mangandam na karon, samtang ang mga pultahan sa Kalooy sa gihapon abli pa. Among gipangayo kini sa Ngalan ni Jesus. Amen.

⁷⁰ Karon moadto kita sa mga Kasulatan, alang sa pagsugod, ug diha sa . . .

⁷¹ May usa nga nagbutang ug usa—usa ka sulat dinhi sa pulpito, ug nag-ingon nga sila “nagpakolekta ug halad” alang kanako karong gabii. Dili na kana gikinahanglan pa, ayaw kana pagbuhata. Dili ko na kini maui pa. Akong nahinumdoman usa ka higayon, sa Calgary, Canada, nagpakuha kami’g usa ka . . . nakolekta na kining halad. Gipaningkamutan ipasabot kanako ni Igsoong Jack . . . Ang asawa ko naglingkod sa likod didto; siya, ang akong mga bata adunay karaang duha ka mga lawak nga among ginapuy-an kaniadto, gikinahanglan niyang butangan ug habol ang maong pultahan aron nga—nga mapabiling nakasarado ang pultahan para ang mga bata dili matakbuyan sa pulmonya. Ug siya miingon. . . Miingon siya kanako, miingon, “Igsoong Branham, dili maayo nga ingon-niana ang pag-atiman mo kaniya.” Gani, nahinumdoman ninyo kanang hitaboa. Nangolekta sila, nalimtan ko na kon pila kadto ka libo ka mga dolyares.

⁷² Ug miingon ko, “Oh, ibalik kini, Igsoong Jack.”

⁷³ Siya miingon, “Karon, unsaon man nato pagbuhat niana?” Gani, gipalit ko ang maong lugar ug anaa kini didto. Busa, sa kahimayaan ug kadungganang ngadto sa Dios. Among gipuy-an kini sulod sa mga pipila ka tuig, ako ug ang akong asawa, ingon nga usa ka gasa sa iglesia sa mga tawo.

⁷⁴ Ug dayon nahunahunaan ko, “Mora’g dili kana maayo. Wala ko’y gidala ug bisan unsa man niining kalibutana, sigurado gyud nga wala ko’y dalhon ug bisan unsa paghawa.” Busa nausab ang akong hunahuna ug gigahin kini, ug gihatag kini balik ngadto sa tabernakulo. Nga sa dihang ako mawala na, aba, ang uban pang alagad sa Dios, kon aduna pa may ugma, mogamit unya niini. Kita n’yo? Busa, salamat kaayo sa inyong kaayo, mga higala. Ang Dios magapanalangin kaninyo, tungod niini.

⁷⁵ Karon, sa Santiago, sa Basahon sa Santiago, sa Ika-2 nga kapitulo. Gusto natong basahon, sugod sa ika-21 nga bersikulo.

⁷⁶ Ug karon, ako lang ihimong. . . Usa ka diyutay’ng panahon sa pagtudlo, ug sugdan nato dayon ang pag-ampo alang sa masakiton sa kadali lang kutob sa atong mamahimo, ug dalhon sa kutob natong mamahimo ang mga tawo paingon niining linya sa pagpaampo. Ug ato, usab, hinumdoman pag-usab. . . Dili ko gustong mahikalimtan si Igsoong Anna Jean ug si Igsoong Don, ug sila, nga sa pagtoo ko atua sila sa usa ka dapit sa Thailand.

Di ba? Asa dapit? Sa Bangkok, ug—ug diha sa natad sa misyon. Daghan kaayong mga butang ang imong mahunahuna sa tibuok adlaw, nga gusto mong isulti sa mga tawo. Unya sa dihang ania ka na dinhi, imong—dili mo na mahunahunaan kini, maania ka na diha dayon sa maong leksyon.

⁷⁷ Ug karon, dinhi sa Santiago, sa ika-2 nga kapitulo. Ug pagasugdan nato diha sa Ika-21 nga bersikulo sa Ika-2 nga kapitulo sa Santiago, ug basahon ang usa—usa ka bahin Niini. Ang Ika-21 nga bersikulo sa Ika-2 nga kapitulo.

Dili ba si Abraham nga atong ginikanan gipakamatarung man tungod sa mga buhat, sa paghalad niya kang Isaac nga iyang anak diha. . . sa halaran?

Masabot mo nga ang iyang pagtoo diay naglihok duyog sa iyang binuhatan, ug pinaagi sa mga binuhatan. . . ang pagtoo nahimong hingpit?

Ug natuman ang kasulatan nga nagaingon, si Abraham mitoo sa Dios, ug kini giisip kaniya nga maoy pagka-matarung: ug siya gihinganlan ug higala sa Dios.

⁷⁸ Karon, ang akong hisgotanan karong gabii. . . Ug kupti ang inyong mga Biblia karon, kay aduna ko'y ubay-ubay'ng mga Kasulatan nga gisulat dinhi. Kung dili gyud kita makadugay, mosangpit ako ngadto sa daghan kanila. Ang akong hisgotanan mao'y: *Ang Mga Buhat Mao'y Pagtoo Nga Nadayag*. Karon, hinumdomi: *Ang Mga Buhat Mao'y Pagtoo Nga Nadayag*. Ang mga buhat nagapakita nga ang pagtoo nakakupot na, kita n'yo. Kita n'yo? Karon, gipili nato kini tungod kay kita. . . Nagatoo ako nga motabang kini tingali kanato sa pagsabot. Karon paminaw'g maayo, ug hisgotan nato kini ingon nga usa ka Sunday School nga pagtuon.

⁷⁹ Dinhi si Santiago nagapahayag diha sa iyang pagtudlo, gikan sa Genesis 22:1-9, kung unsang *tawhana* ang nakita diha kang Abraham.

⁸⁰ Ato lang balikan, may gipangtiman-an ako nga mga Kasulatan dinhi. Sa Genesis, sa Ika-22 nga kapitulo, ug sa una ngadto sa Ika-9 nga bersikulo.

Ug nahitabo sa human niining mga butanga, nga ang Dios nagsulay kang Abraham, ug miingon kaniya, Abram. . . Abraham: ug siya mitubag, ania Ako.

Ug miingon siya, Kuhaon mo karon ang imong anak, ang imong anak nga bugtong nga si Isaac, kinsa imong pinalangga, ug umadto ka sa yuta sa Moria; ug ihalad siya. . . alang sa usa ka halad-sinunog didto sa ibabaw sa usa sa mga bukid nga akong igaingon kanimo.

Tan-awa, wala Niya gani gisulti kaniya kung hain sa mga niini kadto. Sundon mo lang kung gisulti sa Dios, magpadayon ka lang. Kita n'yo?

Ug si Abraham mibangon pagsayo sa buntag, ug iyang gisiyahan ang asno, ug nagdala siya uban kaniya duruha ka sulogoong batan-on, ug si Isaac nga iyang anak, ug nagbugha ug sugnod alang sa halad-nga-sinunog, ug mitindog siya, ug nagpaingon ngadto sa dapit . . . nga giingon kaniya sa Dios . . . giingon kaniya.

Ug sa ikatulo ka adlaw giyahat ni Abraham ang iyang mga mata, ug nakita niya ang dapit sa halayo.

Ug si Abraham miingon sa iyang mga sulogoon, Humulat kamo dinhi uban sa asno; ug ako ug ang akong bata moadto kami didto ug kami mosimba, ug kami mamalik diha kaninyo.

⁸¹ Karon, anaa na sa iyang hunahuna karon, nga paadto na siya aron patyon ang iyang anak, kay gisulti sa Dios nga buhaton niya. Apan tan-awa ang Kasulatan dinhi.

. . . Ako ug ang bata moadto kami didto ug kami mosimba, ug kami mamalik diha kaninyo. (Siya ug ang bata.)

Ug si Abraham mikuha ug sugnod alang sa halad-nga-sinunog, ug gipapas-an niya sa iyang anak; ug siya mikuha ug kalayo, ug punyal; ug silang duha milakaw . . . nga nagkuyog.

Unya si Isaac misulti kang Abraham nga iyang amahan, ug miingon, amahan ko: Ug siya mitubag, Ania ako, anak ko. Ug siya miingon, Ania karon ang kalayo ug ang sugnod: apan hain man ang nating carnero alang sa halad-nga-sinunog?

Ug mitubag si Abraham, Akong anak, ang Dios sa Iyang kaugalingon magatagana sa nating carnero alang sa halad-nga-sinunog: ug busa nagapadayon sila sa paglakaw nga nanagkuyog.

Ug miabot sila sa dapit nga ang Dios . . . giingon kaniya; ug si Abraham mipatindog didto ug usa ka halaran, ug gipahaluna pag-ayo ang kahoy, ug gigapus ang iyang anak . . . si Isaac nga iyang anak, ug iyang gipahamutang siya sa ibabaw sa sugnod.

Ug gituy-od ni Abraham ang iyang kamot, ug gikuha niya ang iyang punyal sa pagpatay sa iyang anak.

Ug ang manolunda sa GINOO misinggit kaniya gikan sa mga langit, ug miingon, Abraham, Abraham: ug siya mitubag, Ania ako.

Ug siya miingon, Dili mo pagbakyawon ang imong kamot batok sa bata, dili ka magabuhat kaniya sa bisan unsa: kay karon naila Ko nga ikaw nahadlok sa Dios, kay wala ka magdumili sa imong bugtong nga

anak, imong . . . gikan kanako . . . sa imong bugtong anak kanako. (Daw sa unsa nga buhat!)

⁸² Karon, atong makaplagan dinhi nga ginapaka-matarung ni Santiago si Abraham pinaagi sa iyang *mga buhat*.

⁸³ Apan karon, kang Pablo, diha sa Mga Taga-Roma, sa Basahon sa Mga Taga-Roma, sa Ika-8 . . . sa Ika-4 nga kapitulo, 4:1 ngadto sa 8. Dili ko kini tanan basahon, apan basahon lang ang bahin niini.

Ug karon unsa may atong ikasulti mahitungod kang Abraham nga atong ginikanan, sumala sa unod, ang mahikaplagan?

Kay kon si Abraham gipakamatarung . . . (Hinundomi ninyo, nga gigamit nato kanang pulonga kagabii, “gipakamatarung.”) . . . pinaagi sa mga buhat, nan siya adunay ikapasigarbo; apan dili sa atubangan sa Dios.

Kay unsa may ginaingon sa Kasulatan? Si Abraham mitoo sa Dios, ug kadto giisip kaniya nga maoy alang sa pagkamatarung.

Ug ngadto kaniya nga nagabuhat ang balos dili pagaisipon ingon nga grasya, kondili ingon nga utang.

⁸⁴ Karon—karon kung unsa ang ginapasabot ni Pablo dinhi, mao kon unsa ang nakita sa *Dios* diha kang Abraham.

⁸⁵ Karon atong . . . kon inyong . . . kon dili man nga daghan na kini kaayo, balikan nato pag-usab ang Genesis, sa Ika-15 nga kapitulo, ug sa ika-6 nga bersikulo; 15:6, akong gitoohan nga husto. Sugdan nato sa Ika-5.

Ug iyang gipagula siya, ug miingon kaniya, hangda karon ang langit, ug isipa ang mga bitoon, kung arang mo ba sila nga maihap: Ug siya miingon kaniya, Maingon man usab niana ang imong kaliwatan.

Ug siya mitoo sa GINOO; ug kini giisip kaniya nga sa pagkamatarung.

⁸⁶ Karon ang maong duha ka tawo nagahisgot mahitungod sa pagtoo: Gipaka-matarung ni Pablo si Abraham pinaagi sa kon unsay nakita sa *Dios* diha kang Abraham; apan gipakamatarung ni Santiago si Abraham pinaagi sa kon unsay nakita sa *tawo* diha—diha kang Abraham.

⁸⁷ Kita n’yo, karon, si Santiago miingon, “Gipakamatarung siya pinaagi sa iyang mga buhat.”

⁸⁸ Si Pablo miingon, “Gipakamatarung siya pinaagi sa pagtoo.”

⁸⁹ Apan tan-awa, si Abraham mitoo sa Dios, mao kanay nakita sa *Dios* diha kaniya; iyang gitoohan Kini. Apan sa dihang iya nang ginabuhat nga daw sa kini nahitabo na, mao kana kung unsa ang nakita sa *tawo* diha kaniya.

⁹⁰ Ug pareho ra kana karon niini kanato, tungod kay ang atong mga buhat nagapadayag kon unsang pagtoo ang anaa kanato. Apan kon nahadlok kita sa pagbuhat sa kon unsay atong ginatoohan, nan wala kita nagatoo Niini. Kita n'yo, kinahanglan toohan mo Kini.

⁹¹ Ang mga buhat ni Abraham nagapahayag sa iyang pagtoo nga anaa kaniya diha sa saad sa Dios. Karon, si Abraham, hinumdomi, kasiyaman na siya ka tuig ang kagulangon. . . usa ka gatus ka tuig ang kagulangon, ug si Sarah kasiyaman na ka tuig ang kagulangon. Ug sila karon nagkatigulang na gyud, nga lagpas na sa pagpanganak, sa daghan, kadaghan nang mga katuigan. Ug nagkinabuhi sila ingon nga bana ug asawa sukad sa ila pang pagkabatan-on, ug walay mga anak. Apan labot pa, ang Dios nagsulti kaniya sa dihang siya kapitoan na ka mga tuig ang pangedaron, ug si Sarah kan-uman ug lima, "Makabaton ka'g usa ka anak." Ug gitooan niya ang saad sa Dios. Gitooan niya Kini. Karon, kita n'yo, iyang giandam ang tanan alang niining maong bata. Kita n'yo, mao kana kon unsa ang nakita sa *Dios*, sa dihang gitooan niya ang Dios; ug nakita sa *tawo* kon unsay iyang gibuhat sa pagpadayag kon unsay iyang gitooan. (Ug mao ra nga butang ang nagapamuhat niining gabhiona, ingon niini gihapon diha kanato.) Nahipadayag na kini ngadto kaniya. Kita n'yo, gipadayag na kini ngadto kaniya, gani gitooan niya kini nga mao gayud, ug nagpamuhat ingon nga daw sa nahitabo na kini.

⁹² Karon, mohunong lang usa kita diha, sa makadali lang. Usahay masipyat kita sa pagsabot niini. Ang mga tawo nagakamasyon, ug ginapaninguhaan nilang buhaton pasikad sa emosyon. Dili kana magpulos.

⁹³ Karon, ako sama kang Igsoong Gerholtzer dinhi, kami—tigulang na kami nga tawo, ug nasinatian na namo. . . kini sa hataas na nga panahon, ug nakita na namo ang maayo ug dili maayo, ug—ug tanan na. Ug nagapang-ampo alang sa masakiton, sa tibuok kalibutan, ug nga makita ang—ang mga pagkapakyas sa mga tawo, ug nga makita ang—ang mga "Aleluya" gikan sa matag dapit. Niadtong panahon, ang tanan niini, atong nakat-onan pinaagi sa mga niini. Karon, sa dihang ingon nga mga batan-on pa, ug gisugdan namo ang pagwali niini, Igsoong Gerholtzer, ingon nga daw sa nagsugod kita sa paglangoy. Ang unang butang, nahibalo mo, naandan sa una nga mogawas ako, ug ako. . . Si Igsoong Jack, nagapauban ako kang Igsoong Brown diha sa paglakaw sa dalan, kada gabii, aron nga maulian ako sa akong kaugalingon. Motindog ako didto, nga daw sa usa ka gamay'ng bata, ginatimpasaw ang tubig, makita ang mga panan-awon, nasayod na mo. Ug mopabilin lang ako didto hangtud si Igsoong Brown. . .

⁹⁴ Akong mahinumdoman diha sa usa ka gabii, dili ko gayud kini mahikalimtan, didto sa San Jose o asa man. Miabot siya aron

pukawon ako, wala ko'y tulog sulod sa pipila na ka mga adlaw ug wala ako masayod nga nagapakigsulti na ako sa maong tawo, apan nag-ingon nga nagsulti ako kaniya. Misugod sa paghilak, miingon, "Mouli na ko." Kita n'yo?

⁹⁵ "Aba," miingon siya, "dili ka pa mahimong mopauli. Aduna pay nagapadayon nga tigum didto."

⁹⁶ Ako miingon, "Bueno, andam na ako mopauli sa pipila ka gutlo." Kita n'yo, wala na gyud, wala na gyud sa akong kaugalingon, halos. Kita n'yo, bata ako niadtong tungora.

⁹⁷ Sama sa pagtuon mo sa paglangoy, nahibalo na mo, ginatimpasaw mo ang tubig ug motabok sa langoyanan, ug "huhhh, huhhh, huhhh, nahimo ko 'sab!" Karon, human nga nakahibalo ka na maglangoy, mas maayo na ang pagkapaykapay, ug wala na kini "nagapakapoy kanimo" kaayo. Kita n'yo, ingon niini, matun-an mo kon unsaon ang pagbuhat niini; ug wala na'y lisod ug himoon kini nga labi pang maayo, ug kana nga daw masayon na. Kita n'yo?

⁹⁸ Ang usa ka gamay'ng bata nga wala pa milakaw, maningkamot nga molakaw niining pasilyo dinhi, matumba siya sa usa ka dosenang higayon ug mamahimong "kapuyon gayud" bag-o siya makaabot didto. Apan si bisan kinsang nahibalo sa paglakaw, usa man ka atleta, molakaw diha nianang maong pasilyo ug dili na gani mamatikdan nga ginabuhat kini. Bueno, ingon niana siya sa pagsugod, mao na kana kon unsa siya karon.

⁹⁹ Bueno, ingon niana sa gihapon ang pagwali sa Balaanong pagpang-ayo o kon unsa pa man. Sa imong pagpadayon, hinayhinay kang nakakat-on. Kon dili ka nakakat-on, adunay butang nga sayup. Kita n'yo, kinahanglan may makat-onan ka, ug kinahanglan makat-onan mo kon unsaon pagdawat sa Dios ug kon unsa gayud ang tinuod nga pasabot niini.

¹⁰⁰ Atong ginatugotan kini, usahay ingnon, "Bueno, walay igong pagtoo kining tawhana, kining tawhana wala mibuhat *niini* ug *niini*." Adunay hinungdan dinha alang niana, adunay hinungdan. Kini usahay sala nga wala gisugid. Mahimo mong ibung ang usa ka galon nga lana diha sa usa ka tawo, ug mosinggit hangtud nga mapagaw ka, dili gyud kini makapahawa sa yawa. Dili, sir! Kinahanglan isugid mo gyud kana. Mao kana kon unsa ang ginahimo sa pagpang-ila, ginaingon, "Lakaw ug tul-ira kana, ipagawas kana."

¹⁰¹ Apan mahinay kaayo nga buhaton kana, inyong makita. Ug unya—unya ang uban pa kanila dili na makahulat, ug moingon sila, "Ah, wala gayud ako naampoan." Apan gusto natong mangita'g pamaagi karon, nga . . . kon unsay nagakahitabo, ang matuod nga sukaranan sa Balaanong pagpang-ayo.

¹⁰² Karon, ang usa ka gasa, sama sa giingon ko kagabii, "Maanindot ang usa ka gasa, apan dili mo mahimong ibasi ang imong Walay Katapusang paingnan diha sa mga gasa." Dili nimo

mahimong i-major ang minor, ug ang usa—usa ka gasa usa ka minor. Ug makasundog si Satanas sa bisan unsang gasa nga anaa sa Dios, makahimo siya'g butang nga sama gayud niini, kita n'yo, sa tukma gayud. Busa, kinahanglan bantayan nato kana.

¹⁰³ Sama usahay nagapahayag ako mahitungod sa pagsinggit; nakakita na ako'g mga demonyo nga nagasinggit, kita n'yo. Nagasulti'g mga dila, nakakita na ako ug mga demonyo nga nagasulti'g mga dila. Sa tinuod gayud, iyang ginasundog Kini. Dili kini tinuod, apan iya Kining ginasundog, nakita ninyo, ginahimo kini nga daw sa tinuod. Ug ang mga tawo usahay, nga wala masayod sa maong kalainan, ipahayag *kini* nga “tinuod” nga dili man kini tinuod.

¹⁰⁴ Ug mao sa gihapon ang ilang ginabuhat mahitungod sa Balaanong pagpang-ayo. Ginahunahuna nila, “Buena, usa kini ka hocus-pocus, o butang nga ingon niana.” Dili Kini ingon niana. Usa kini ka matuod, dili sinagulang pagtoo diha sa kon unsay giingon sa Dios nga Kamatuoran. Ug nagaangkla kana! Ug sa diha nga nakaangkla na kini, wala nay bisan unsang makairog niini. Magapabilin Kini dinha. Ug busa, nahimo nang sayon, . . .

¹⁰⁵ Karon, ang *pagtoo* maoy “usa ka pinadayag gikan sa Dios.” Karon, ang pagtoo maoy usa ka pinadayag. Diha ko gustong mopabilin, diha, sa pipila lang ka gutlo. Usa kini ka pinadayag. Iyang gipadayag kini diha kanimo pinaagi sa Iyang grasya. Dili kini sa kon bisan unsa may imong nahimo. Wala ka'y gihimo sa imong kaugalingon aron magkaaduna ka'y pagtoo. Kon aduna ka ma'y pagtoo, kini gihatag kanimo pinaagi sa grasya sa Dios. Ug ginapadayag kini sa Dios diha kanimo, busa ang pagtoo usa ka pinadayag. Ug ang tibuok Iglesia sa Dios natukod diha ibabaw sa pinadayag.

¹⁰⁶ Usa ka ministro sa Baptist miingon kanako, dili pa lang dugay, miingon siya, “Dili gyud nako madawat ang pinadayag.”

¹⁰⁷ Miingon ko, “Kung ing-ana dili ka makadawat sa Biblia. Dili ka makadawat kang Cristo, tungod kay Siya maoy Pinadayag sa Dios. Siya ang Dios nga napadayag diha sa unod.” Busa, ang tibuok Iglesia natukod ibabaw sa Balaanong pinadayag.

¹⁰⁸ Si Jesus miingon ngadto kang (sa pagtoo ko kang Pedro) . . . miingon, Siya miingon, “Sumala sa mga pulong sa mga tawo kinsa man kono ang Anak sa tawo?”

¹⁰⁹ Nagapakigsulti Siya ngadto sa Iyang mga tinun-an. “Ug ang uban miingon Ikaw si ‘Elias,’ ug ‘si Moises,’ o ‘Usa sa mga propeta,’ ug ‘si Jeremias.’”

¹¹⁰ Siya miingon, “Apan kamo unsa may inyong sulti?”

¹¹¹ Miingon siya, “Ikaw mao ang Cristo, ang Anak sa buhing Dios.”

¹¹² Karon, ang Romano nga Katolikong iglesia nagaingon, “Nagapakigsulti Siya ngadto kang Pedro, ‘Ibabaw niining bato Akong pagatukoron ang Akong Iglesia.’”

¹¹³ Ang mga Protestante miingon, “Ginatukod Niya Kini ibabaw sa Iyang Kaugalingon.”

¹¹⁴ Karon, mamahimong husto sila. Apan, alang kanako, pareho silang sayup. Kadto’y ibabaw sa espirituhanong pinadayag kon kinsa Siya. “Unod ug dugo wala kini nagpadayag kanimo, Pedro. Apan ang Akong Amahan, nga anaa sa Langit, maoy nagpadayag niini kanimo. Ug ibabaw niining bato,” ang pinadayag kon kinsa Siya; ibabaw sa maong pinadayag: Siya mao ang Pulong, ug ang tibuok. . . “Ibabaw niining bato Akong pagatukoron ang Akong Iglesia, ug ang mga ganghaan sa hades dili makabuntog batok Niini.” Nagpakita kini nga ang mga ganghaan sa hades makigbatok Niini.

¹¹⁵ Si Abel, pinaagi sa pagtoo, sa pinadayag, (wala pay Biblia nga nahisulat niadtong mga adlaw), pinaagi . . . si Abel, pinaagi sa pagtoo, naghalad ngadto sa Dios ug usa ka halad nga labing maayo kaysa kang Cain. Nga gipanghimatud-an sa Dios nga, “Siya matarung.” Sa unsa? Pinaagi sa pagtoo. Sa unsa? Pinaagi sa pinadayag! Pinaagi sa pinadayag, si Abel naghalad ngadto sa Dios ug labi pang maayo nga halad, tungod kay napadayag kini ngadto kaniya nga dili kadto mga prutas sa kapatagan, kadto mao ang dugo.

¹¹⁶ Mao kana’y hinungdan nga ang ubang tawo mahimong toohan Kini, ug ang uban dili makatoo Niini, ang uban ginasulayan ang pagtootoo Niini.

¹¹⁷ Diha sa usa ka pundok sa mananambong, diin dinha ang linya sa pagpaampo, imong makaplagnan ang uban. . . ug silang tanan nga maayong tawo, ingnon na nato. Adunay uban nga nagapaninguha gayud nga toohan Kini, nagapaninguha sa ilang kaugalingon ngadto Niini. Ang uban dili man lang makahimo niini. Ug sa uban pa, pinaagi lang gayud sa grasya, gikahatag lang gayud kanila. Karon, dinha ang panagkalahi. Kita n’yo? Mao kana ang nagabuhat niini. Mao kana’y tinuod nga pinadayag, tungod kay ang pagtoo maoy pinadayag nga gikan sa Dios. Kinahanglan nga mapadayag kini una.

¹¹⁸ Gipahayag kini ni Jesus sa tin-aw sa dihang miingon Siya, “Walay makahimo sa pag-ari Kanako gawas kon siya pagadanohon sa Akong Amahan una, o ipadayag Ako ngadto kaniya pag-una.” Angay’ng basahon n’yo kana. Diha kini sa Santiago. . . o sa San Juan 6:44 ug ngadto sa 46. Wala sila kaniadto nakaila kon kinsa Siya. Nagdahum sila nga Siya usa lang ka ordinaryo nga tawo. Nagdahum sila nga Siya mao lamang, sama sa ginabuhat sa mga tawo karon, usa ka propeta. Usa Siya ka propeta, usa Siya ka ordinaryong tawo, apan adunay labaw pa kay niana.

¹¹⁹ Sama lang kagabii, nagahisgot. . . Sa dihang makuha ninyo ang basahon, inyong makita tingali ang usa ka diyutay ng kalibog diha sa unsay akong giingon, “Ang maong duha ka mga basahon sa Kinabuhi.” Mao ra kining Basahona, apan ang usa kanila mao ang inyong natural nga pagpakatawo, ang laing usa maoy inyong espirituhanong pagpakatawo. Ang usa paingon gawas ngadto sa usa pa, sama sa usa ka lindog sa trigo. Bueno, karon, mohisgot kamo kanako, mohisgot kamo kanako ingon nga usa ka buhing tawo. Apan adunay bahin dinhi kanako, mao kanang tawhana, nga kinahanglan mamatay. Mao kanang Basahona nga diha niana papason ang ngalan. Apan ang maong usa nga Walay Katapusan, ang usa nga Predestinado, ang usa nga Pinili, ang maong ngalan dili gayud mahimong mogikan diha tungod kay kini diha na Niini. Dili gayud kini mahimong papason. Mamatikdan ninyo kini sa basahon, gani nagawagtang kini sa inyong kalibog. Inyong makaplagan kini nga ingon niana. Tungod kay, sa pagtoo ko, si Igsoong Vayle, nga mao ang nagpahimutang sa hustong gramatika niini, nagpahinumdom kanako niini karong adlaw. Ako miingon, “Husto kana.”

¹²⁰ Ang mga Baptist nagatoo nga adunay duha ka nagkabalug nga mga basahon. Ug sa usa ka bahin duha kini ka nagkabalug nga mga basahon, ug sa laing bahin dili kini duha ka nagkabalug nga basahon. Duha ako ka nagkabalug nga tawo. . . Ako'y lawas ug kalag ug espiritu, tulo ka nagkabalug nga tawo, apan ako'y. . . mahimo lamang ako nga usa ka linalang.

¹²¹ Adunay usa lamang ka tinuod nga Basahon sa Kinabuhi. Sama nga aduna lamang usa ka semilya sa kinabuhi sa—sa trigo nga nagalatay diha sa banay, ug mipaingon lahus sa uhay, ug lahus ngadto sa tipaka, ug ngadto sa trigo; lahus deretso dinha, moingon ka, “Karon, usa ka trigo ang anaa diha.” Dili kini ang trigo, kini ang banay, apan trigo kini sa kinatibuk-an. Kita n'yo, kini'y trigo tungod kay tanan usa lang ka banay, apan ang trigo gayud mao kung unsay inyong ginahisgotan, ang lugas sa tumoy niini. Ang mga uban pa mao'y tigdala, mamadugta kini kinahanglan. Ug mao kana ang maong usa—usa ka bahin nga daw sa mataktak ang imong ngalan sa Basahon sa Kinabuhi sa Cordero, ug sa laing bahin dili nimo mamahimo kini. Busa, mao kana kon asa na kini karon. Anaa kini tanan nianang dakung pinadayag dinha, nga nahipadayag atol sa panahon sa Pito ka mga Selyo. Nganong ingon man niini, giunsa man nga ang ubang mga tawo dili makatoo Niini?

¹²² Si Jesus miingon nga “Walay makahimong pag-ari Kanako gawas kon pagadanihon siya sa Akong Amahan una. Ug ang tanan nga gikahatag Kanako sa Amahan, magaari Kanako.” Walay tawo nga makasabot sa kon kinsa Siya, o kung giunsa Kini, gawas kon kini gipadayag kanimo pinaagi sa pagpadayag sa Dios. Ug dayon sa pagtoo diha niana, nagalihok ka sumala niini. Kita n'yo? Dinhi atong makita sa tataw gayud nga ang

Dios nahipadayag kang Jesus, ug kang kadto lamang kinsa gikabut-an nang daan nga makakita niini, ang makakita niini. Paniguroha ang pagbasa niining maong Kasulatan, gilaktawan ko kini kaganina, kanang San Juan 6:44 ngadto sa 46. Gilaktawan ko kini tungod kay sa paghunahuna ko nga tingali kita may . . . tingali wala na kita'y igong panahon nga hisgotan pa, tungod kay kanang orasan sa ibabaw dinha nagapadayon lang gyud sa pag-irog.

¹²³ Ug busa kita . . . Inyong mamatikdan, “Walay tawo, walay tawo nga makaduol gawas kon pagadanihan siya sa Akong Amahan una. Ug ang tanan nga gikahatag sa Amahan Kanako, sila magaduol.” Ilhon nila Kini. Wala nay ubang tawo ang makahimo niini, walay laing tawo, bisa'g unsa pa ka maayo, kinsa ka man, kinahanglan mahipadayag gyud Kini kanimo. Dayon imo nang makita kon kinsa si Jesus Cristo.

¹²⁴ Karon, dinhi, ang predestinadong plano tataw sa panan-aw. Sama sa uban nga binhi, ang Pulong sa Dios usa ka Binhi ug kinahanglan nga adunay giandam nang daan nga yuta. Kon ikaw nagpugas ug binhi, nga gisabwag lamang kini sa yuta, dili kini magpulos, tuktokon kini sa mga langgam. Isabwag nimo kini taliwala sa mga kudyapa ug mga sapinit, igalumos niini kini sa dili madugay. Mao kana ang giingon sa samingay ni Jesus. Busa ang yuta kinahanglan nga pagaandamon una. Busa, ang Dios, sa grasya nga makagagahum, ginaandam una ang kasingkasing. Iya ka nang giandam sa wala pa ang pagkatukod sa kalibutan, nga dawaton Siya sa niining kapanahonan. Iya kang giila nang daan pinaagi sa Iyang pagkahibalo nang daan, ug gikatagana nang daan alang sa Kinabuhing Walay Katapusan. Giila ka na Niya, busa Iya ka nang giandam.

¹²⁵ Mao kanay hinungdan nga ikaw nahingangha niining mga butanga, ug nahingangha ngadto sa kung unsay anaa kanimo karon. Dios kini ang nagapanguna kanimo ngadto sa dapit diin Iya nang gikatagana alang kanimo. Kini'y . . . o kon—kon—kon kining yutaa wala andama pag-una, dili mahimong motubo kini. Mao kanay hinungdan, nga ang maong binhi sa pagtoo, sa dihang ikaw nagawali sa pagtoo, makita ang mga pagpang-ila sa Ginoo, ug makita kon unsay nagakahitabo, ug ang tanan nga mga gasa sa Biblia nga nagapanglihok. Ang mga tawo nagapaningkamot sa ilang kaugalingon, “Oh, Aleluya, nagatoo ako Niini,” ug magapanganhi, ug makaplagnan nga nangapakyas sa ilang mga kaugalingon. Kita n'yo, ang yuta kinahanglan gikatagana nang daan. Ug masayran mo kini sa dihang Kini miigo na niini.

¹²⁶ Sama sa akong gamay'ng agila, kagabii. Naila niya sa dihang nabatian niya kanang singgit nianang inahang agila, “adunay daku kaayong kalainan tali niana ug sa putak sa manok.” Kita n'yo, tungod kay siya agila na gikan pa sa itlog. Dili . . . wala siya himoang agila niadtong tungora, agila na siya daan. Ug ang Cristohanon mao na daan! Mao kanay

hinungdan, ang panagbulag, sa dihang nakigbulag ka, tungod kay nalit-ag ka ngadto niini, tan-awa, pinaagi sa inyong unang ginikanan, si Adan ug Eva. Nahimo kang makasasala sa kinaiyahan. Dili mo gigusto nga maingon niana, apan karon nadungog mo ang Maayong Balita, ug ang “pagtoo nagaabot pinaagi sa pagpatalinghug,” ang pinadayag nagaabot pinaagi sa pagpatalinghug. May gamay'ng butang diha sa sulod mo.

¹²⁷ Ang laing tawo nga nagalingkod tapad kanimo, moingon, “Ah, wala ako nagatoo nianang butanga. Binuang! Wala ako nagatoo niana. Wala na!”

¹²⁸ Sama sa ilang gibuhay sa Adlaw sa Pentekostes, mikatawa sila ug miingon, “Nangahubog kining mga tawhana sa bag-ong bino.” Nasayod sila kadto maoy. . . Kadto maoy usa ka dakung butang sa kadtong mga nakasinati niini. Ngano man? Kadto'y Dios nga nagapadayag sa Iyang Kaugalingon ngadto sa matag-usa. Samtang ang uban nangatawa, ang mga niini nangalipay. Usa kadto ka pinadayag sa tagsatagsa, nga mao'y pagtoo; ang pagtoo nga napadayag. Kon dili pa kadto'y pagtoo, nan wala man lang niini unta didto. Kadto'y pagtoo.

¹²⁹ Ang mga binhi lang ang may yutang inandam una. “Busa, ang tanan nga Iyang giila nang daan, Iyang gitawag. Ang tanan nga Iyang gitawag. . . Tanan nga Iyang giila nang daan, Iyang gipili nang daan.” Kon gusto ninyong basahon kana, Mga Taga-Roma 8:28-34, ug usab sa Mga Taga-Efeso 1:1-5. Kita n'yo, ang tanan nga Iyang giila nang daan, Iya gyud gitawag. Ang tanan nga Iyang gitawag, Iyang gimatarung. Ug ang tanan nga Iyang gimatarung, Iya nang gihimaya. Walay butang nga wala sa kahan-ayan. Nagadahum kita nga aduna, apan tan-awa diha sa mga Kasulatan. Nagakatukma kini sumala sa pamaagi nga gikaingon sa Pulong sa Dios nga mamaingon kini. Atong makita nga gisalikway ang Mensahe, karong panahona. Dili ba kana ang kon unsay giingon sa Kasulatan nga ilang buhaton? Sigurado, tanan niining mga butanga gikatagana nang daan sa Dios.

¹³⁰ Oh, magapalakaw Kini kaninyo nga malipayon. Mao kana ang diperensya diha kanato karon, daku kaayo'g kalahian kay sa mga Cristohanon sa una. Sa diha nga ang tinuod, matuod nga pinadayag ni Jesus Cristo ingon nga Emmanuel nagpuyo na diha sa mga kasingkasing niadtong mga tawo, mga tawo silang malig-on. Apan karon kita ginapikpik pa sa mga denominasyon, uban sa, “Oh, sultihan ko ikaw, wala silay Pinadayag. Umari ka dinhi.” Nagasalig ka sa *ilang* pinadayag. Kon ang ilang pinadayag dili sumala sa Pulong sa Dios, nan sayup kini; ang sa ako o ang sa uban pa, dinha'y nagakaadunay pagpakigsangka. Ang Pulong sa Dios nagatug-an kon kinsay husto ug sayup!

¹³¹ Ang bisan unsang binhi kinahanglan adunay yuta niini, siyempre. “Busa, ang tanan nga Iyang giila nang daan. . .” Kita n'yo, nasayod na Siya daan sa unsay magakahitabo. Himatikdi,

si Jesus miingon pag-usab, mahitungod sa Binhi, “Ang uban nahulog sa kabatoan, ang mga uban diha sa nasagol nga yuta.” Kita n’yo, diha sa adunay mga sapinit, mga kudyapa, ug tanang uban pa, dili Kini makatubo. Ug ang uban diha sa maayong yuta, maayong yuta, yutang matambok, nga giandam na, nahandam na.

¹³² Tanang tawo dinhi, siya maingon sa usa ka manok, nagapangita siya, nagapaningkamot nga makita niya. Motuka siya dinhi *niini*, ug motuka siya dinha *niana*, apan human sa pipila ka panahon adunay nagaabot nga usa ka kalit nga Pagsinggit gikan sa Langit. Nailhan niya Kini dayon, “Kana mao ang Pulong sa Dios!” Kita n’yo, nailhan niya Kini tungod kay adunay butang diha sa iyang kasingkasing nga nagsulti diha kaniya, nga mipadayag kaniya bahin Niini.

¹³³ Himatikdi, ang propeta nga si Isaias nag-ingon, “Usa ka ulay magasamkon.” Daw sa unsa ka talagsaong panulti. Unsaon man sa usa—usa ka tawo diha sa iyang hustong panghunahuna nga makasulti niana? Wala pay usa ka ulay nga nanamkon. “Usa ka ulay magasamkon!” Karon, wala siya nabalaka bahin sa pagsulti Niini, iya lang gisulti Kini. Unsaon man sa babaye paghimo niini? Bueno, kanay dili iyang bulohaton! Siya . . . Kini ang pagsulti lamang sa unsay giingon sa Dios nga buhaton niini. Gipadayag kini sa Dios ngadto kaniya, gipakita kaniya ang panan-awon; gipadayag kini, ug kini’y husto.

¹³⁴ Ang mao ra nga Dios ang misulti kanako nga ang gamay’ng bata matawo pinaagi nianang tawhana nga kinsa dili mahimong magka-anak, o magkaadunay batang babaye. Sama sa uban pa ug mga butang, daw sa unsa ka talagsaon kini sa dihang nagaingon ang doktor nga, “dili kini mahitabo!”

¹³⁵ Apan sa diha ang Dios nagaingon, “Mamahitabo kini,” nagaagad kini kung unsang matanga sa pulong ang nagaabot. Hinumdomi, mibarog ang propeta didto ug ang Iyang Pulong migawas.

¹³⁶ Sama sa Dios, diha sa Genesis 1, Siya miingon, “Mamahimo ang kahayag. Mamahimo *kini*. Mamahimo *kana*.” Gibuhat ang tawo sa Iyang Kaugalingong dagway, sa dagway sa Dios gibuhat Niya sila, lalaki ug babaye, ug walay bisan unsa pa ibabaw sa yuta. Dayon, atong makaplagan diha sa Genesis 2, dinhi, Iyang gibuhat ang tawo diha sa Iyang Kaugalingong dagway. Wala pay tawo niadto nga magatikad sa yuta, human sa tanang pagbuhat. Unsa man kadto? Kadto’y Iyang Pulong, Iyang ginalitok Kini. Ug sa dihang Iyang gilitok, Siya miingon, “Mamahimo ang kahayag.” Tingali walay kahayag sulod sa walo ka gatus ka mga katuigan pagkahuman niadto, mahimong wala pay kahayag, apan Iya nang gilitok Kini! Ug nga Iya na ganing gilitok Kini, “Motungha ang kahoy’ng palmera. Motungha ang kahoy’ng tugas. Motungha *kini*,” silang mga binhi nagsugod na

sa pagkaporma ilalum niadtong tubig. Tinuod kana. Ug diha na sa maong panahon, sa maong takna, sa panahon niini, miusbong kini! Dili kini mapakyas; Pulong Kini sa Dios. Dili gayud Kini mapakyas. Gipahayag na kini.

¹³⁷ Karon, usa ka adlaw, ang Dios nakigsulti sa tawo, sa nawong ug nawong. Apan sa panahon ni Moises, sa dihang nagaulan ug kalayo, sila miingon, "Itugot nga ang Dios. . . Itugot nga si Moises ang mosulti; dili ang Dios, basin mangamatay kami."

¹³⁸ Busa, miingon Siya, "Dili na Ako makigsulti pa sa ingon niana kanila. Magapatungha Ako kanila sa usa ka propeta." Mao na kana sa kanunay ang sistema sa Dios.

¹³⁹ Karon, ania ang propeta nga nagatindog; karon, nailalum siya sa dihog; wala niya ginahunahuna ang bahin sa iyang tawhanong mga kahibalo, "Karon, hulat sa makadali. Kon isulti ko kana, bueno, kabalo na mo, hunahunaon sa mga tawo nga ako nabuang na." Kita n'yo, iya kanang pagka-intelektuwal; dinha na siya nagapamati kang Satanas, sama ra sa gibuhay ni Eva.

¹⁴⁰ Ug diha samtang nagaingon ang doktor nga, "Dili ka na mabuhi. Dili ka na mahimong maayo pa. Dili ka na makahimo *niini* o *niana*." Samtang nga sa gihapon nagapaminaw ka niana, kana nga Binhi dili gayud mahimong mahulog nianang matanga sa yuta ug mobuhay ug bisan unsang kaayohan. Dili gayud mahimo. Apan sa dihang adunay butang nga mowagtang sa tanan niana, ug mahulog na Kini diha nianang binhianang yuta, wala nay bisan unsa nga makatangtang Niini.

¹⁴¹ Karon, bisan unsa pa niini ka dugay, mahitabo kini. Karon, Siya miingon, "Usa ka ulay magasamkon." Nasayod ba mo nga mikabat sa walo ka gatus ka tuig una kana nahitabo? Giila na daan sa Dios ang maong babaye, kon kinsa siya, kung unsa'y iyang ngalan, kon diin mahulog kanang maong Binhi. Nagatoo ba kamo niana? Sigurado, Siya'y nahibalo na! Ug gikan sa usa ka literal nga tagoangkan motungha kining dakung milagro. Ang Dios nasayod na bahin niini, Iya lang gipadayag kini ngadto sa Iyang propeta nga matitud-anon ug gisulti ang Pulong. Nga wala gani ginahunahuna ang bahin sa kung unsa Kini, iya lang gisulti kini. Wala gayud siya misulay sa pagpangatarungan Niini.

¹⁴² Kung sulayan mo ang pagpangatarungan. . . Unsa kaha kon kining tawhana, kining babayhana, o kining tawo nga nagalingkod dinhi, o sa usa man ka tawo nga mosulay sa pagpangatarungan, "Karon, ako napiang sa tibuok niining mga katuigan. Nagaingon ang doktor, 'Wala nay kahigayonan'?" Bueno, tingali wala nay mahimo pa kutob sa iyang nahibaloan, ug tinuod kana.

¹⁴³ Apan kon adunay butang nga makalangkat nianang mga bunglayon, kon ang Dios pinaagi sa Iyang grasya; dili ang magwawali, dili si bisan kinsa pa. Apan ang Dios nga

makabutang diha sa imong kasingkasing ug usa ka pinadayag, nga, “Ako mamaayo na,” wala nay bisan unsa nga makapabilin kanimo sa paglingkod dinha. Wala nay bisan unsa nga makapugong diha kanimo, ikaw mamaayo na gayud! Apan hangtud nga mahitabo na kana, ikaw magapabilin mismo kon asa ginaingon sa doktor nga mapahimutang ka; hangtud nga kana mahitabo na. Kinahanglan nga mahipadayag Kini. Grasya sa Dios ang nagapadayag niini.

¹⁴⁴ Karon, himatikdi, nailhan na sa Dios ang babaye nga mahiabotan Niini. Himatikdi si Isaias, walay pagduhaduha. Si Isaias wala moingon, “Sa makadiyot lang, Ginoo! Tugoting. . . Kadyot lang gyud! Unsa katong giingon Nimo kanako, ‘Usa ka ulay nga magasamkon?’ Bueno, karon, kadali lang, Amahan, wala—wala—wala pa gayuy ingon nianang butang nga nahitabo.”

¹⁴⁵ Wala siya nagpanuko, iya lang gyud giingon, “Magasamkon ang usa ka ulay!” Husto.

¹⁴⁶ Himatikdi si Maria: “Karon, karon Ginoo, kadyot lang. Kabalo Ka nga ako—ako’y wala pa gayud nakaila ug lalaki. Dili kini mahimo! Wala pay nahitabo ang bisan unsa nga ingon niini! Ohhh, oh, wala, wala pay ingon niini nga nahitabo. Unsaon ko man pagkaaduna niining bata? Wala ko’y naila ni bisan kinsang lalaki, busa dili kini mahitabo! Uh, Manulonda, nasayop ka lang. Gimatamata lang ako. Kabalo ka, nagaingon ang akong simbahan, ‘Kining maong mga adlawa milabay na.’” Dili! Dili gyud mahimong mahulog kini sa ingon nianang lugara. Wala gyud nagduhaduha si Maria.

¹⁴⁷ Siya miingon, “Unsaon man pagkahitabo niini? Wala man ako may naila nga lalaki.”

¹⁴⁸ Siya miingon, “Pagalandongan ikaw sa Balaang Espiritu. Mao kana kon unsaon nga mahitabo kini.”

¹⁴⁹ Miingon siya, “Ania ako, ang ulipon sa Ginoo!” Wala gyu’y pagduhaduha!

¹⁵⁰ Kita n’yo, si Isaias, sa diha nga gipagula sa Dios ang Pulong pinaagi sa hunahuna (sa pinadayag) ngadto sa kasingkasing ni Isaias, nahulog Kini diha sa maayong yuta, usa kadto ka propeta. Kadtong propetaha wala nagtagad sa bisan unsang kaalam sa tawo. Wala siya nagtagad sa bisan unsang kahibalo sa tawo. Wala siya nagtagad bahin sa tawo ni bisan kinsa. Siya maoy usa ka hinalad nga agianan sa Dios, ug ang Dios misulti ug siya misulti. Kana lang. Kon kini makapasakit man, o dili man makapasakit; kon kini binuang man pamation, o kon dili man binuang; dili kini importante kaniya. Kadto’y Dios, dili ang tawo.

¹⁵¹ Ug sa diha nga kanang Pulong gipahayag na, nahimo na Kini karon ug usa ka Binhi, kinahanglan na Kini mahulog kon asa man. Kung gisulti na Kini sa Dios, kinahanglan aduna na gayuy

usa ka tagoangkan kon asa man nga mahulogan Niini. Sama lang sa Iyang giingon, “Tanang butang mamahimo ngadto kanila nga nagatoo. Kung ingnon mo niining bukira, ‘Bumalhin ka,’ ug wala nagaduhaduha sa imong kasingkasing, maangkon mo kung unsay imong giingon.” Kita n’yo, aduna na gayuy tukma nga dapit!

¹⁵² Himatikdi! Karon, atong makaplagaan nga si Isaias dinhi nagsulti Niini.

¹⁵³ Ang ulay’ng si Maria, sa diha dayon nga . . . Ang maong mga yuta naugmad na. Usa siya ka ulay. Wala siya “magkiniat-kiat.” Ang maong yuta nahiamdam na, o predistinado na pinaagi sa pagkahibalo nang daan sa Dios.

¹⁵⁴ Giingon pa gani, “Siya usa ka ulay.” Didto mismo nahibalo na ang Dios kon unsay iyang ngalan. Ang iyang ngalan anaa sa Basahon sa Kinabuhi sa Langit.

¹⁵⁵ Dayon, gipamatud-an Kini. Ang tawo dayon (sa tawo) nakita ang pagpahayag Niini pinaagi sa mga buhat, sa dihang nabuhat na kini. Karon ato kining ginatan-aw balik ug ginaingon, “Sa tinuod, nabuhat na Kini,” kay atong makita ang mga buhat nga natuman na.

¹⁵⁶ Ang mga buhat ni Noe nahipadayag sa tawo, kon unsa ang iyang pagtoo diha sa saad sa Dios. Karon, nakigtagbo ang Dios kang Noe, ug miingon Siya, “Noe, magaulan. Pagalaglagon Ko ang tibuok yuta pinaagi sa tubig.” Karon, wala gayud nag-ulan kaniadto, imposible gayud kana. Bueno, karon, si Noe mikuha’g . . . Nag-ingon, “Andama ang arka sa mga sukod nga Akong igasulti kanimo.” Ug siya ingon nga usa ka panday, ug nagsugod siya sa pagbuhat ug gisugdan kuhaon ang iyang hatsa, ug tanan na aron putlon ang mga tablun, ug iyang gipahiluna kini didto uban sa kahoy’ng acacia, ug ginabulitan niini ug salong sumala gayud sa giingon Niya. Ug nahunahunaan n’yo ba kung unsay gihunahuna kaniadto sa mga tawo bahin nianang tawhana?

¹⁵⁷ Sila miingon, “Nabuang na gayud kanang tawhana, tungod kay nagaingon siya, ‘Igabubo ang ulan gikan sa mga langit,’ ug wala namay tubig didto.” Apan, nakita ninyo, wala si Noe naghunahuna bahin niana. Ginapahayag sa iyang mga buhat ngadto sa mga tawo kon unsa gayud ang iyang pagtoo ug kung unsay giingon sa Dios nga mahitabo.

¹⁵⁸ Mao kanay hinungdan nga ginabulag sa matuod nga Cristohanon ang iyang kaugalingon gikan sa tanang butang nga gawas sa Pulong sa Dios, bisan kung unsa pay ginahunahuna sa mga tawo, kung unsa pay ginaingon ni kinsa man. Siya’y linain na tungod kay . . . Dili lang nga ginasulti niya kana; kon siya mao man, dili magdugay hangtud mailhan siya sa iyang mga buhat. Mahulog siya balik ug mahidalin-as *niining* dalanon, ug mopahisakup sa usa *niini* ug sa usa pa *niini*. Ug magasugod sa . . .

siya—siya magapakita kon unsa siya. Apan kon tinuod gayud siya, kon ang Pulong sa Dios natisok na gyud diha sa sulod kaniya, nan magapamunga Kini sa Iyang matang, imong makita kanang tawhana nga nagapangandam na alang nianang dakung takna. Kita n'yo, ingon niana ang gibuhat ni Noe.

¹⁵⁹ Si Moises, uban sa sungkod nga anaa sa iyang kamot, miabot aron kuhaon ang mga katawhan gikan kang Faraon. Karon, mahunahuna ba ninyo . . . Si Moises, miingon ang Biblia nga siya gitudloan diha sa tanang kaalam sa mga Egiptohanon. Maalamon siya, mahimo niyang itudlo ang ilang inteliktuwal nga mga butang. Siya gitudloan sa tanan nilang kaalam. Wala na siya magkinahanglan pa ug dugang sa iyang nakat-onan. Karon, hunahunaa lang ang usa ka tawo nga didto sa kamingawan, nga may ingon anang nakat-onan, ug unya nagpakita ang Dios kaniya ug miingon, “Moises, dad-a kining sungkod sa imong kamot ug moadto ka didto sa Egipto, ug dad-a pagawas ang Akong mga anak uban niining bunal nga anaa sa imong kamot. Buntuga lang ang maong tibuok butang pinaagi niining bunal.”

¹⁶⁰ Karon, unsa kaha kon si Moises miingon, “Sir, kadali lang, nagdahum ko nga nagapakigsulti ako ngadto sa usa ka maalamong Persona, niining gamhanang ‘AKO MAN’ nga Imong ginaingon nga mao Ikaw. Karon, unsaon man pagkahitabo niining magamit ko kining gamay’ng, karaang sungkod nga baliko nga ania sa akong kamot, ug dag-on ang usa ka milyon ka tawo nga kasundalohan, nga armado sa mga bangkaw, nga mga manggugubat gayud? Ug ako nga dili manggugubat, usa ako ka magbalantay. Unsaon ko man sa paghimo niana?”

¹⁶¹ Wala nay pagpangutana! Ngano? Ngano man? Ang maong yuta nga anaa diha sa iyang kasingkasing! Usa siya ka predistinadong tawo. “Ang mga gasa ug pagtawag dili mabakwi.” Gisulti na sa Dios kang Abraham nga Iyang buhaton kana, ug ania ang inandam na nga yuta.

¹⁶² Ug gidala ni Moises kining sungkod ug miadto didto ug gidala kanang maong nasud pagawas sa usa ka nasud. Sa dihang miabot siya nga dala ang usa ka sungkod sa iyang kamot, ug gisultihan si Faraon, “Palakwa sila!” Nakita ni Faraon ang mga buhat diha kang Moises, nga aduna siya’y pagtoo kung unsay iyang pagabuhaton, o gipaninguhaan man nga buhaton. Aduna siya’y pagtoo sa saad sa Dios nga naghatag sa saad, miadto siya aron angkunon kini. Wala nay uban pang tawo nga mohimo niana, ug wala nay uban pang tawo nga makahimo niini, gikatudlo na siyang daan sa pagbuhat niini. Ang Dios, sa wala pa kini nahitabo, gisuginlan na si Abraham nga mao gayud kana ang mahitabo. Ug sa diha na nga ang maong panahon sa saad nagkahiduol na, adunay usa ka gamay’ng bata nga natawo, usa ka matahum nga bata. Ug ang mga ginikanan, si Amram ug Jochebed, wala mahadlok sa sugo sa hari. Kita n'yo, aduna gyu’y butang, ang yuta giandam na.

163 O Dios, malaumon ako nga nagasulti ako ngadto sa yutang inandam na, niining gabhiona! Kon ang Binhi mahulog diha sa hustong dapit, ug mamahimo kining usa- . . . Kon dili man niini, dili gyud kini mahitabo.

164 Mao gihapong butang kana. "Aba," moingon mo, "Igsoong Branham, daw sa ginapahilayo kini kanamo." Kon mao man, ginapahilayo kini sa Cristianismo, usab. Kita n'yo, masundogsundog mo ang bisan unsang butang. Apan kon ang . . .kon nagakahulog gayud Kini didto, ang Pulong sa Dios nagakahulog diha sa hustong matang sa yuta, magapamunga Kini sa iyang matang. Angay gyud, tungod kay usa Kini ka Binhi.

165 Si Noe . . .si Moises, ang iyang mga buhat, nagpadayag sa pagtoo sa saad sa Dios nga iyang gitooan. Si Faraon, nga tawo, mahimong nakita kon unsa kadto. Dili . . .dili niya makita kon unsaon ni Moises sa pagbuhat niini, apan nasayod siya nga gitooan ni Moises kon unsa man ang iyang ginasulti kay kon wala pa wala unta siya nagabarog sa palasyo didto nga may sungkod sa iyang kamot. Miingon, "Pinaagi niining sungkod, Pagawason ko sila gikan kanimo." Usa na ka tigulang nga tawo, kawaloan na katuig ang kagulangan, dili usa ka atleta; tigulang na nga tawo, hoyhoy na'g mga abaga, ug ang mga bungot nagabitay na sa iyang . . .tingali hangtud na sa iyang hawak; ubanon na'g buhok, kon aduna pa man siya. Ug didto uban niadtong sungkod sa iyang kamot, nagaingon, "'Pagawason ko sila, palakwa na ang mga katawhan,' MAO KINI ANG GINAINGON SA GINOO. Ug kon dili mo kini buhaton, pagahukman ka sa Dios." Amen! Ngano man? Kana'y . . .Kita n'yo, kini'y . . .Nahadlok ba siya? Aba, sa usa lang ka udyong, usa ka bangkaw, ang bisan unsa pa mahimong gitapus na unta kini. Wala siya'y kahadlok! Nasayod siya sa tukma kon asa siya nagabarog; miingon pa, "Pagahampakon ka sa Dios, Faraon." Oo, sir.

166 Kay gisultihan siya sa Dios, "Moanhi ka niining bukira pag-usab," Ug nahibalo siya nga paadto na siya didto.

167 Aleluya! Nasayod usab kita kon asa na kita paingon, sa katapusan niining maong panaw. Gisaad sa Dios! Adunay Yuta tabok sa suba. Ayaw pagmahinadlok sa imong pagpamatuod. Amen. Kon gipadayag na kini kanimo, wala ka nay kahadlok. Wala mo ginatagad kon ang tibuok kalibutan man . . .kon unsa may ilang isulti; wala kay kahadlok. Sa dihang gipadayag na kini kanimo, "Mao kini ang Kamatuoran nga nagagikan sa Dios," nan dili ka magmahadlok. Kon dili, dili mo mahimong ingon niana.

168 Si David, nga dala ang maong lamboyog sa magbalantay, gipahayag ngadto sa tibuok Israelinhong kasundalohan, ang pagtoo nga anaa kaniya diha sa ilang Dios. Karon, didto

si Goliath sa pikas nga bahin, ug nagbarog siya didto ug nagpasigarbo. Sa makadaghan ka pilo ang gidak-on kay kang David, aduna siya’y mga tudlo nga napulo’g upat ka pulgada ang kataason. Ug siya nagbuntaog, daku kaayong tawo, ang Filistehanong higanti. Ug ania si David, ang maong pinakagamay, gamay pa siya kaayo aron dawaton sa kasundalohan; gamatoy kaayo, dili nila siya magamit. Busa, atua sa kasundalohan ang iyang mga igsoong lalaki. Ug, unya, nagapanghinambog si Goliath.

¹⁶⁹ Apan si David, karon hinumdomi, nahipadayag kini kang David. Gihunahuna niyang, “Ania ang mga kasundalohan sa buhing Dios, nga nagabarog sa ilang kaugalingong yuta, ug atua nagapanghinambog ang di-tuli nga Filistehanon didto.” Tawgon nato siyang “kanser” karong gabii, tawgon nato siyang “paralisis.”

¹⁷⁰ Aba, daw sa wala ikaparang si David kaniya, bisan sa unsa pang matang sa hinagiban; wala siya’y ikaparang. Ang mga abaga nianang tawo mga napulo tingali, napulog duha ka mga piye ang kalapad; siya tingali nagatindog nga napulog upat, napulog lima ka piye ang kahabogon. May bangkaw nga daw sa dagum sa maghahabol, kaluhaan ka piye tingali ang gitas-on, ang sulab niini mga upat ka piye tingali ang kalapad.

¹⁷¹ Ug ang usa ka gamay’ng David nagatindog didto nga dala ang usa ka gamay’ng panit, panit sa kanding o panit sa carnero, nga nakahikot sa duha ka mga hikot nga gibangan niini. Apan *nahipadayag* na kadto kaniya! Miabot kaniya ang pinadayag! Amen! Siya miingon, “Ang Dios nga nagpahilingkawas kanako sa mga kuyamas sa oso, nga nagpalingkawas kanako sa mga kuyamas sa leon, unsa pa ka labaw kaha nga Iyang itugyan kanang walay tuli nga Filistehanon sa akong kamot!”

¹⁷² Ang iyang mga igsoon, nga labaw pang mas makahimo niini. Si Saul, nga mas taas pa ug ulo ug abaga kaysa iyang mga kasundalohan. Apan, inyong makita, wala kadto napadayag kanila. Amen. Mao kana: nagtoo sila nga mamahimo kini, nagtoo sila nga mahimo kini sa Dios, apan wala kini gipadayag kanila; kondili gipadayag kini ngadto kang David. Karon, adunay kalainan, dinha mismo. Kon sa hingpit gipadayag kini kanimo nga ayohon ka sa Dios, imong—imong maangkon kini. [Blangkong bahin sa teyp—Ed.] Maangkon nimo kini. Dili ko igsapayan kon unsa man ang sakit mo, unsa man ang mga babag, mahimong mas lisod pa kini kay kang David ug Goliath. Apan kung gipadayag kini kanimo!

¹⁷³ Ug himatikdi, sa dihang nahipadayag na kini, wala nay kahadlok si David. Miingon siya, “Karong adlaw putlon ko ang imong ulo!” Amen. Mao kana ang atong Dios. Pinaagi sa grasya, diha nianang kakuyaw nga takna diin gikinahanglan na ang mga pag-desisyon, kanang mao ra nga Dios nga mihatag sa grasya

niadtong adlaw, ug mihulog sa maong binhi sa pagtoo niadtong buku tan-awon nga gamay'ng lalaki, ingon nga anaa diha sa iyang kasingkasing; kanang mao ra nga Dios, diha niining nagkalisod na nga takna, makapahaw-as nianang babaye gikan sa wheelchair; *nianang* tawhana; *niining* babaye dinhi; sa bata; ang . . . ? . . . Nga nahipadayag na kanimo kanang gamay'ng lugas sa pagtoo, nan dili ko igsapayan kon unsa pa kini kadugay.

¹⁷⁴ Karon himatikdi ang maong higante, diha sa pikas nga bahin, wala mitoo niini; ni ang kanser man. Nagkatawa siya, miingon siya, “Usa ba ako ka iru? Inyong ginapadala kanang bata sa pagpakig-away kanako?” Miingon, “Puniton ta ka, diha sa tumoy sa akong bangkaw, ug ipakaon ang imong mga unod sa mga langgam.” Aba, aduna kaniya ang tanan nga . . . tanan sa, ang tanan na diha sa iyang dapig.

¹⁷⁵ Apan, inyong makita, wala gayud kadto makapatay-og kang David. Ngano? Nahipadayag na kadto kaniya. Aduna siya'y pagtoo sa kon unsa may iyang ginabuhat. Nasayod siya nga iyang mamahimo kini. Ug iya kining nabuhat, tungod kay nahipadayag kini ngadto kaniya ug nasayod siya kon asa siya nagabarog.

¹⁷⁶ Ug kon napahayang lang kana sa Dios, diha sa kinahiladman sa imong kasingkasing karong gabii, miingon “Dili ka na magaboy-od diha nianang higdaanan. Dili ka na molingkod pa diha nianang bangko. Mamaayo ka na,” wala nay bisan unsang butang nga makausab sa imong hunahuna niini.

¹⁷⁷ Apan hangtud nga mahitabo kana, ang matag magwawali sa kalibutan makahimo man sa pag-ampo, . . . Wala ako nagaingon nga dili kini makatabang kanimo; makatabang kini, makapadasig kini kanimo. Apan hangtud nga kanang pagtoo . . . Kita n'yo, ang gahum sa kaayohan anaa diha kanimo. Wala kini nagagikan sa magwawali. Nagaabot kini kanimo pinaagi sa pinadayag, pinaagi sa pagtoo. “Dili pinaagi sa gahum, dili pinaagi sa kusog, apan pinaagi sa Akong Espiritu,” ang ginaingon sa Ginoo. “Sa Akong Espiritu, pinaagi sa grasya, ginapadayag kini diha kaninyo.” Ug walay bisan unsa ang makakuha niini. Pinaagi sa pagtoo, sa pinadayag! Unya, si David aron pamatud-an ang iyang mga buhat, . . .

¹⁷⁸ Karon, ang uban kanila miingon, “Nasayod akong masukihon ka.” Ang iyang igsoon miingon, “Mianhi ka dinhi aron motan-aw sa gubat. Karon, balik na didto kon asa na kadtong mga carnero.”

¹⁷⁹ Siya miingon, “Tugoti kong makigsulti kang Saul, sa heneral.” Nakita ninyo?

¹⁸⁰ Ug si Saul miingon, “Karon, anak, ginadayeg ko ang imong kaisog, apan, makita mo, wala kay mahimo batan-on ka pa kaayo. Ug siya'y manggugubat na gikan pa sa pagkabatan-on, wala kay ikaparang kaniya.”

¹⁸¹ Siya miingon, “Akong ginaatimanan kaniadto ang carnero sa akong amahan, . . .” Mahimo niyang ibasi kini sa usa ka butang! Amen. O igsoon! Ug ang Dios nga nagluwas sa imong kalag, dili ba Siya makaayo sa imong lawas? Pareho lamang kini, igapadayag kanimo, Siya’y imong Mananambal maingon nga nahimo Siyang imong Manluluwas. Kita n’yo? Apan gikinahanglan nga mahipadayag kini una, mao kana ang kalainan. Aduna siya’y ginabasihan sa iyang pagtoo.

¹⁸² Miingon, “Karon, wala pa gayud kini nahitabo kaniadto.”

¹⁸³ Apan miingon, “Ang mao ra nga Dios nga nagluwas kanako gikan sa mga kuyamas sa leon, ang magaluwas kanako gikan nianang walay tuli nga Filistehanon.”

“Giunsa mo sa pagkahibalo, David?”

“Ginatoohan ko kini.”

“Ngano man?”

“Nahipadayag na Kini kanako.” Ug siya miingon . . .

¹⁸⁴ Nasayod siya kon unsay iyang ginasulti. Tungod kay sa dihang ang maong higante miingon, “Ipakaon ko ikaw sa mga langgam”; siya naman miingon “Putlon ko ang imong ulo.” Kana ang kalainan, kita n’yo. Ug iyang gibuhat kini!

¹⁸⁵ Si Samson, naatolan sa usa ka adlaw (wala makapangandam) diha sa kalibunan sa kapatagan, ug ania na nagaabot ang usa ka libong mga Filistehanon ngadto kaniya. Ug midungo siya diha sa yuta, ug didto namatay ang usa ka mula, ug iyang gipunit ang karaang panga, bukog nga apapangig, nga nag-uga na’g maayo, ug giatubang niya kadtong mga Filistehanon, ginapangbunalan sila sa ilang mga ulo pinaagi niining karaan nga nag-ugang bukog nga apapangig sa mula, ug kutob sa akong nasayran, wala ni usa ka ngipon ang natangtang niini. Ug kadtong mga Filistehanong salukot mga usa tingali ka pulgada ang kabaga (kay nagabinunalay sila sa usa’g usa pinaagi sa mga panggugubat nga bunal niadtong mga adlaw), aron malikayan nga mabunalan ang ilang ulo ni kinsa man. Apan iyang gikuha ang maong bukog nga apapangig nianang mula ug gipangbuntog ang usa ka libo ka mga Filistehanon, ug ang maong bukog nga apapangig wala gyud nabuak. Padayon lang niya gipangbunalan sila, ingon *niana*, samtang sila nagapangataki. Busa, ang uban kanila mipasalipod na sa mga bato, kita n’yo, nagkalagiw na sila gikan kaniya. Ngano man? Gitooan niya kini! Usahay . . . Sa tinuod.

¹⁸⁶ Gusto kong sultihan kamo ug usa ka butang karon. Amumaha kanang maong pagpitik, kanang mahinungdanong sugyot sa panahon, sama sa gihimo ni Joshua, sama ni Maria Magdalena, silang tanan niadto. Nianang takna lang sa dihang gipadayag ang usa ka butang kanimo, kupti kini. Pagkupto niini, nianang mahinungdanong sugyot sa panahon.

¹⁸⁷ Oo, nahipadayag kini ngadto kaniya. Iyang giatubang kining linibong, mga Filistehanon. Karon unsa bay inyong hunahuna sa diha miingon kadtong mga Filistehanon, “Karon, tan-awa, gikan didto, kanang gamatoy nga walay umoy; nga mga upat lang ka piye ug tunga ang gitas-on, sa tinuod lang; nga may pito ka nagabitay nga mga gagmay'ng pungpong sa buhok sa iyang likod, sama sa gamay'ng binabaye ni mama, kita n'yo; nagaadto didto nga dala ang usa ka bukog nga apapangig sa mula. Ug tan-awa ra gud ta, daw sa unsa ta ka daku nga kasundalohan! Dili ba kana kataw-anan?” Apan unsa man niadto ang iyang ginabuhat? Iyang ginapahayag ngadto sa mga Filistehanon kon unsa nay gipadayag kaniya sa Dios. Iyang gipunit ang maong bukog ug midasmag, tungod kay mao kana kon unsa ang gibutang Niya sa iyang kamot; gibutang Niya kana sa iyang kamot, mao kanay iyang gitooan: mahimo niya kini! Ug sa pagbuhat niya sa ingon-ana, ginapahayag niya ngadto sa mga Filistehanon kon unsa ang gibutang sa Dios diha sa iyang kasingkasing nga pagabuhaton.

¹⁸⁸ Gipahayag ni Juan Bautista ang iyang pagtoo pinaagi sa iyang mga buhat, ug sa dihang miingon siya “Dihay Usa nga nagabarog diha sa inyong taliwala karon.” Hunahunaa lang kana. Sa San Juan, ania kanako ang maong Kasulatan, sa San Juan 1:26, tan-awa. Siya miingon . . .

¹⁸⁹ Sila miingon, “Ingon mo, ‘Umaabot ang Mesias’? Aba,” miingon, “lalaki, unsa bay nahitabo kanimong? Dugay na kaming nagapaabot Kaniya sulod sa upat na ka libo ka mga katuigan.”

¹⁹⁰ Siya miingon, “Nagatindog Siya sa inyong taliwala karon.” Aleluya! Mao man usab Siya karong gabii! Uh-huh.

¹⁹¹ Gipahayag niya ang iyang pagtoo pinaagi sa iyang pinadayag, tungod kay napadayag kini ngadto kaniya nga . . . nasayod siya nga iyang bautismohan ang Mesias. Usa siya ka tawo, nga katloan ka tuig ang panuigon. Nasayod siya nga Siya maanaa gayud didto sa usa ka dapit; wala pa gayud niya nailhan kon kinsa Siya, ug didto Siya nagatindog mismo sa taliwala kanila. Miingon siya, “Adunay Usa nga nagatindog sa taliwala ninyo karon, nga wala ninyo naila, ug dili ako takus sa pagbadbad sa liston sa Iyang mga sapatos, apan Iya kamong pagabautismohan sa Espiritu Santo. Ug anaa Siya mismo sa inyong taliwala karon.” Iya kining gipahayag, ang iyang pagtoo, tungod kay nasayod siya, sa iyang panahon, iyang makita ug pagabautismohan ang Mesias sa Dios. Busa, kita n'yo, makita sa mga tawo ang pagpahayag diha kaniya, diha sa pamaagi sa iyang pagwali ug diha sa iyang mga panglihok, nagapahayag nga aduna siya'y matuod nga pinadayag gikan sa Dios.

¹⁹² Karon, aron pamatud-an nga matuod kini, mitungha ang Mesias nga nagalakaw mismo gikan sa kadaghanan; usa lang ka ordinaryong batan-ong lalaki nga nagalakaw didto, nagbisti

sama sa ubang tawo. Miingon si Juan, “Tan-awa, ang Cordero sa Dios nga nagakuha sa sala sa kalibutan.”

193 “Giunsa ba nimo sa pagkaila Kaniya?”

194 Miingon siya, “Siya nga nag-ingon kanako, didto sa kamingawan, ‘Kang kinsa hingkit-an nimo nga pagakunsaran sa Espiritu, mao kana ang Usa nga magabautismo diha sa Espiritu Santo.’”

195 Kita n’yo, iyang nailhan Siya tungod kay adunay ginatoohang usa ka timailhan sa mga niadtong panahona. (Inyo bang nakuha Kini?) Nahibaloan ni Juan ang maong takna mismo, kay siya usa ka propeta. Gipadayag kini ngadto kaniya, nga masayod siya sa maong mga takna, makita niya ang usa ka timailhan. Ug sa nakita niya na kanang maong timailhan, siya miingon, “Nagatindog Siya sa inyong taliwala karon.” Nasayod siya nga atua Kini didto.

196 Oh, akong makita ang timailhan nga ang katapusang panahon ania na. Makita ko ang gikasaad na nga mga butang, alang niining Mensahe sa katapusang panahon, nga nagakahitabo na (nagapadayag) sa tukma gayud sama sa giingon na sa Kasulatan. Ug nasayod ako nga haduol na ang panahon! Akong ginasulti kana nga walay pagpanuko. Nagatoo ako nga haduol na gyud kaayo, kay ako nang makita ang mga timailhan nga Iyang giingon nga magakahitabo sa dili pa gayud kanang panahon. Andam na kini nga mahitabo *karon*.

197 Gipahayag ni Juan ang iyang pagtoo diha sa kon unsay gipadayag na sa Dios ngadto kaniya. Busa, ang mga buhat mao ang pagpamatuod sa pagtoo. Sa dihang makita ka nilang nagalihok nga daw sa naayo ka na, nan mahibaloan nilang aduna ka’y pagtoo nga ikaw naayo na.

198 Unsa bay ginaingon sa pagpamatuod? Nagaingon niini: “Ania na kini kanako karon, tungod kay nadawat ko na ang saad sa Dios. Nagalihok na kini karon kanako. Nagaadam na ako karon alang niini nga mahitabo.” Uh-huh. Kita n’yo, mao kana ang imong pagpanghi-. . . ang ginahimo sa imong mga buhat. Bueno, mao gayud!

199 Dinhi, pipila na ka panahon ang milabay, sunod sa akong katapusang panaw sa Africa; bag-o lang ako naggikan didto niining panahon sa tingpamulak, apan kadtong byahe sa wala pa kana. Adunay usa ka gamay’ng bata nga kimpang ang mga tiil, ug ang maong usa ka tiil. . . tiil nga mubo kay sa laing usa. Wala pa gayud nakasapatos sa tibuok nga kinabuhi niini. Oh, usa kadto ka napakangil-ad nga pagkakimpang. Ug giampoan ko ang maong bata nianang gabhiona, nakasaksi na sila ug nakakita na niadtong mga butanga nga gipamuhat na, nangampo sila alang sa bata. Ug pagkasunod buntag miadto ako, nakaagi duol sa mamaligyaay’g sapatos. Ug misulod ako didto,

ug didto ang lalaki ginapalitan ang maong bata ug paris nga sapatos para isuot. Iyang gitoohan kini! Uh-huh.

²⁰⁰ Sama niining tawo nga ania dinhi, nga gitoohan niyang hatagan siya sa Dios ug bata. Oo, gitoohan niyang mamahitabo kini, nangandam na alang niini. “Nangandam na ako.” Bisan wala pay mga resultang pisikal ang makita sa pagkakaran, apan wala kana makahatag ug gamay’ng diperensiya. Iyang gitoohan kini, sama kang Abraham, “gitawag ang bisan unsang sukwahi nga butang nga daw dili kini ingon niana.” Mao na!

²⁰¹ Busa, kon ang inyong mga pangagpas nagasulti kaninyo. . . Oh, ania ang makapatunok karon. Kon ang inyong mga pangagpas nagasulti kaninyo nga “Kini mao ang Kamatuoran, ang Dios maoy Mananambal sa balatian,” ang inyong panghunahuna makasaksi nga “Kana maoy Kamatuoran,” apan kon walay binhianang yuta diha sa inyong kasingkasing (pagtoo, nga mahimong hulogan) aron ipahayag kini, dili kini mahitabo. Dili. Daghang. . .

Bisan unsaon pa sa niining tawo nga panggawas sa pagpangatarungan sa mga Kasulatan, ug moingon, “husto kini,” dili kana sa gihapon nagapahusto niini.

²⁰² Pila man ang nagakuha ug mga teyp? Nakuha ba ninyo ang akong wali, dili pa lang dugay, *Ang Mga Dinihogan Sa Katapusang Adlaw?* Nagtoo ba kamo niana? Kita n’yo, nag-ingon kini, “Magkaadunay mga anti-cristo. Ang mga anti-cristo halos mopahisalaag gayud sa mga pinili, kon mahimo pa.” Mahimo ba niini, usab? Dili, tungod kay kini imposibli; pinili sila. Kita n’yo? Bueno.

²⁰³ Apan Siya miingon, “Ang mga dinihogan.” Kita n’yo, ang *Cristo* nagkahulugan ug “dinihogan,” apan mga anti kini. Sila mga dinihogan, apan anti, batok kang Cristo diha sa ilang pagpanudlo. Karon, mahimo nila ang bisan unsang mahimo sa uban pa.

²⁰⁴ Karon, hinumdomi, anaa ka sa tutolo ka liyok, apan ikaw usa ka persona. Sama sa Amahan, Anak, ug Espiritu Santo, liyok sa tulo, apan usa ka Persona. Tulo ka mga kinaiyahan sa mao ra nga Dios: sa pagka-amahan. . . Tulo ka mga opisina: sa pagka-amahan, pagka-anak, ug Espiritu Santo. Ug ikaw maoy: lawas, espiritu, ug kalag.

²⁰⁵ Karon, ang sa gawas nga lawas adunay lima ka mga lutsanan niini, sa pagkontak sa inyong yutan-ong puy-anan: igtatan-aw, igititilaw, igbabati, igsisimhot, ug igdudungog. Ang sa sulod, nga mao ang espiritu, aduna kini lima ka mga sensya: konsensiya, ug gugma, ug uban pa. Apan sa kinasuloran niana, ang kalag, aduna ray usa ka butang. Dinha maoy diin *ka* nagapuyo.

²⁰⁶ Makahimong moanhi ang Espiritu dinhi ug dihogan ka sa pagbuhat ug mga butang, ug buhaton mo kini, apan wala kana nagpasabot nga ikaw luwas na. Pamalandonga kini.

Nanagna si Caifas. Si Judas nagpagula ug mga yawa. Kita n'yo, gidihogan siya sa Espiritu. Kining maong ulan nagakahulog ngadto sa matarung ug sa dili-matarung, mahimong malipay ang mga bunglayon uban sa trigo. Apan kini maoy kon unsa gayud ang anaa sa kinasuloran. Dinha ang kon asa kamong mga intelektuwal makadawat niini, moingon, "Oh, bitaw, daw sa maayo kana. Nagatoo ako niana." Dili kana sa gihapon magpulos. Dili, sir. Ug sa tinuod ang espiritu makasaksi niini, ug sa gihapon dili kini mao. Tungod kay kon kanang maong kalag wala nagagikan sa Dios, mahimo niini ang tanang mga pagsundogsundog dinhi, apan dili gayud kini mahimong tinuod. Mapaaron-aron mo ang pagkaayo na, mapaaron-aron mong nadawat mo na kini. Ang mga Cristohanon mahimo silang magpakaaron-ingnon nga Cristohanon, ug magpakaaron-ingnon ug mahimong maayo gayud diha niini, apan wala kana nagkahulogan nga luwas na sila. Tinuod gyud kana, kita n'yo. Mahimong anaa dinha ang Espiritu, ang matuod, tinuod nga Espiritu. Mahimong dihogan ka sa Espiritu Santo, wala kana sa gihapon nagpasabot nga ikaw luwas na. Kini kadto ang maong kinasulorang kalag nga dili mamatay, aduna kini Kinabuhing Walay Katapusan. Sa una pa kini mao'y Kinabuhing Walay Katapusan. Kita n'yo? Nagagikan kini sa Dios, nagapaingon kini sa Dios, kini mao ang kalag.

²⁰⁷ Karon, himatikdi kana, kinahanglan mao kini gayud. Lima, f-a-i-t-h, sa gawas; espiritu, J-e-s-u-s; diha sa sulod, i-k-a-w. Kita n'yo? Mao kana kon unsay ingon nga nagatindog dinhi, nagatan-aw kaninyo, wala ko nakaila sa usa man sa inyo. Mahimong dihogan man ako sa espiritu, sa gihapon wala ko'y mailhan kaninyo. Apan sa dihang molihok na ang kinasuloran sa kinasuloran, Dios na kana.

²⁰⁸ Mao kanay diin ang panggawas makapangatarungan. Ipananglitan mo ang usa ka tawo, moingon, "Bueno, nahibalo ka, ako—ako nasayod nga dili gayud ako manapaw. Apan, kabalo ka, ginaingon dayon kanako sa espiritu nga dili gayud ako manapaw. Apan, kita mo, diha sa kinasuloran anaa pa sa gihapon kanang butanga." Kita n'yo, kini daw sa magadumala pa, ug maayo nga bantayan gyud kini.

²⁰⁹ Apan sa dihang kini gidumalahan gikan sa kinasuloran, gipailalum na ang tanan niini. Mao kana ang tagdok-tultolanan. Mao kana ang toreng-magmamando, ang kinasuloran. Ginamandoan sa kalag ang espiritu, ginamandoan sa espiritu ang lawas.

²¹⁰ Busa ang gawas nga pangtapal dili magpulos. Silang relihiyosong mga tawo kaniadto, nga gitawag ni Pablo "pinaputing mga bongbong," ug uban pa, sila'y mga (sa pang-gawas) sa tanang pamaagi gayud. . . usa ka magtotoo, ug adunay

ilang mga pagpanagna sa taliwala kanila, ug sa tanang uban pa apan sa *sulod sa kinasuloran* (“ang *kalag* nga dili nagatoo”).

²¹¹ Mao kanay hinungdan nga nagaingon ako ang mga tawo nga makalukso-lukso, ug mosulti ug mga dila, makasinggit ang maong mga tawo, mopandong sa masakiton, ug magaaayo sa masakiton ug uban pa, pinaagi sa pagtoo; tanan na niining dagkung mga butanga anaa didto pinaagi sa Espiritu, sa gihapon mawala pa. Mga dinihogan.

²¹² Himatikdi nag-ingon si Jesus, “Toohi lamang, kay ang tanang butang mamahimo kanila nga nagatoo.” Ang pagtoo ug mga buhat magtiayon, nagapamuhat sila nga magkakuyog. Ang bana nagapamuhat uban ang asawa, ang asawa uban ang bana; ilang ginaila ang usa’g usa.

²¹³ Sama sa usa ka lalaking nagaingon nga siya “minyo na” ug bisan pa niana dili siya makapagawas ug makapakita nga aduna siya’y asawa, maduhaduhaan mo ang iyang pahayag. Kita n’yo? Usa ka lalaki nga miingon, “Ako minyo na.”

“Asa man ang imong asawa?”

“Oh, oh, ako—ako’y wala masayod bahin *niana*.” Kita n’yo? Kita n’yo? Daw malisod kana alang kanako nga toohan siya.

Moingon ko, “Bueno, asa man ang imong asawa?”

“Tinuod, wala ko masayod.” Ako—dili ko toohan kini.

²¹⁴ Busa, imong makita, kung aduna kanimo ang kon unsa may imong ginaingon nga anaa ka, “Aduna ko’y pagtoo,” unsaon man nimo sa pagpakita kanako nga aduna ka’y pagtoo? Pinaagi sa imong mga buhat. Kita n’yo?

“Ako’y minyo na.”

“Unsaon ko man sa pagkahibalo nga ikaw minyo na?”

“Kini ang akong asawa.” Kita n’yo? Mao kana.

“Ako’y minyo na, kini ang akong bana.”

“Naayo na ako.”

“Unsaon man nimo sa pagkahibalo?”

²¹⁵ “Ang akong mga buhat nagapakita sa akong pagtoo.” Kita n’yo? Kita n’yo? Karon, kon unsa—kon unsa may inyong ginapahayag: ang inyong pagtoo mao ang makita sa Dios diha kaninyo, ug ang imong mga buhat mao ang makita sa ubang tawo diha kaninyo.

²¹⁶ Mao kana ang kalainan tali kang Santiago ug kang Pablo dinhi, sa pagsaysay bahin kang Abraham. Wala gyud nagkasumpakiay ang usa’g-usa kanila, pareho silang duha; magtiayon.

²¹⁷ Mao man sab ang pagtoo nga dili nagapamunga ug mga buhat, ang si bisan kinsa may katungod nga duhaduhaan ang imong pagpamatuod. Karon madungog ba ninyo kini, sa dili pa

nato sugdan ang linya sa pagpaampo? Kon ang imong pagtoo walay mga buhat diha niini, dili nimo mapatoo ang si bisan kinsa nga ikaw naayo na. Moingon, “Bueno, wala ko mahibalo.” Kita n’yo? “Aba, oo, sigurado, anaa kanako ang tanang pagtoo sa kalibutan.” Wala kanimo. Tungod kay, kon ikaw man, may pagtoo, nan ang mga buhat nahiminyo man sa pagtoo. Mag-bana sila ug asawa, ang usa—usa ginapaila ang usa.

²¹⁸ Pamalandongan nato si Abraham sa pipila ka mga minuto. Naangkon ni Abraham sa hingpit kanang maong balaang paghiusa, kita n’yo, anaa kaniya ang maong kinatibuk-ang butang. Iyang gitawag ang mga butang, nga kasupak sa iyang pagtoo, nga daw kini dili ingon niana; ug naglihok sa mao rang sumbanan. Akong mapamalandong, human sa mga kaluhaan ka tuig, may milabay ug miingon, “Amahan sa mga nasud? Huh! Abram, ingon mo ang imong ngalan ‘*Abraham*,’ nga nagkahulugan *Amahan sa mga nasud*. Pila na man kabuok ang imong mga anak sa pagkakaron, Abraham?” Kita n’yo?

²¹⁹ Wala kana sa bisa’g gamay nakapandol kaniya. Ang Biblia nag-ingon, “Wala siya nagduhaduha diha sa Pulong sa Dios, pinaagi sa kakulang sa pagtoo.” Nagpadayon siya mismo nga nagapangandam, padayon gipang-andam ang mga sapatos ug ang lampin ug tanan na, siya’y “magkaaduna nay anak.” Mao lang kana.

²²⁰ Bisan pa si Sarah miingon, “Nasayod ka ba sa unsay mamahitabo? Magkaaduna kay anak, apan sultihan ko ikaw sa pamaagi nga atong pagahimoon. Si Hagar karon maoy akong ulipong babaye, akong igahatag siya kanimo.” Kay, ang pagpangasawa ug daghan gitugot pa niadtong panahona. “Ug magkaanak siya, ug kuhaon ko mismo ang maong bata.” Apan wala mitoo niana si Abraham. Wala gyud, dili niya buhaton kini. Apan madasigon si Sarah nga buhaton kini.

²²¹ Busa, gisultihan sa Dios si Abraham, “Padayon ug patalinghugi siya,” apan Siya miingon, “apan dili kini mao ang Akong gisaad kanimo. Dili kini ang paagi nga Akong gisaad.”

²²² Karon himatikdi, gitawag niya ang bisan unsang butang nga “sukwahi,” ug ang iyang lawas niadtong tungora patay na, ug mao gihapon ang tagoangkan ni Sarah. Karon, usa na siya niadto ka tigulang nga tawo, usa ka gatus na ka tuig ang edad. Si Sarah kasiyaman na ka tuig ang edad. Karon himatikdi! Ang pagkaapuli sa tagoangkan ni Sarah o ang pagkapatay sa iyang maong lawas wala gani gihatagan ug pagtagad.

²²³ Paminawa kini.

Kay ang saad kang Abraham, nga siya magmanununod sa kalibutan, bisan sa iyang kaliwatan, dili pinaagi sa kasugoan, kondili pinaagi sa pagkamatarung sa pagtoo.

Kay kung pinaagi pa kadto sa kasugoan . . .kad tong mga anaa sa kasugoan mao ang mga manununod, makawang ang pagtoo, ug ang saad mahimong . . .walay pulos:

Kay ang kasugoan nagapamunga ug kaligutgut: apan diin walay kasugoan, didto usab wala ing paglapas.

224 Paminawa kini, karon.

Nga bisan dili na diha unta takus kalauman . . .

“Nga dili na unta takus kalauman,” wala na gyuy paglaum! Oh, sa matag panahon nga bation ko ang diyutay’ng “kasubo,” ania ang maong kapitulo nga akong ginadangpan, Mga Taga-Roma 4, kita n’yo.

(Ingon sa nahisulat na, gihimo Ko ikaw nga amahan sa . . .daghang mga nasud,) sa atubangan niya nga iyang gitooan, bisan ang Dios, nga maoy nagahatag ug kinabuhi sa mga minatay, ug nagtawag sa mga butang nga wala magalungtad ingon nga nagalungtad sila. (“Mao kanay giingon sa Dios!” Kita n’yo?)

Bisan sa diha nga dili na unta takus kalauman si Abraham mitoo nga malaumon, aron siya mahimong amahan sa . . .daghang mga nasud; sumala sa gikaingon na, Maingon niana ang imong kaliwatan.

225 Karon paminawa, sa ika-19 nga bersikulo.

Ug nga wala siya maluya sa pagtoo, wala niya tagda ang iyang lawas nga daw patay na, sa dihang mga usa na siya ka gatus ka tuig ang panuigon, ni gani . . .ang pagkaapuli na sa tagoangkan ni Sarah:

Sa nagalantaw siya sa saad sa Dios wala siya magduhaduha sa kakulang sa pagtoo; kondili maligon . . .nga nagahimaya sa Dios;

226 Sa edad nga usa ka gatus ka tuig? Tan-awa, ang iyang lawas karon nga patay na (ang iyang pagkalalaki), ug ang tagoangkan ni Sarah nga apuli na. Iyang . . .Wala gani kini tagda, sa dihang gipadayag kini kaniya. Wala gitagad kanang maong higdaanan. Ikaw usa ka paralitiko, o unsa pa man, wala na kana ginatagad. Ang wheelchair wala na giisip pa, alang sa maong gamay’ng bata. Tingali paralisado na, unsa pa man kini (wala ako masayod), wala kini mailalum sa paghunahuna. Ayaw gayud kini tagda.

227 “Apan miingon ang doktor, ‘Dili na gayud siya makalingkawas niini.’ Ang doktor nag-ingon, ‘Dili na siya makaabot pa.’” Kana wala gayud pagtagda.

228 “Bueno, tan-awa, tigulang na ako, ako’y edaran na.” Wala man lang gitagad.

229 Ug mga anak kita ni Abraham (Aleluya!), dili sama kang Isaac kaniadto, apan ang iyang Harianong Kaliwat (pinaagi kang Jesus Cristo) pinaagi sa maong pagtoo nga atua kaniya, ang mga Kaliwat ni Abraham nga nagapanungha sa katapusang mga adlaw aron mosidlak sama sa mga kabitoonan. Ang mga anak ni Abraham! “Wala tagda ang iyang kaugalingong lawas karon nga patay na.” Ni bisan pa sa pagtagad niini! Wala gani niya kini duhaduhai kung buhaton ba kini sa Dios o dili, giingon sa Dios nga buhaton niya kini! Ngano man? Gipadayag kini ngadto kaniya. Husto ba kana?

230 Sa dihang gipadayag kini kanimo, kung kini tinuod nga . . . butang nga . . . Dili mo mahimong ipahitabo kini, kinahanglan mahipadayag kini kanimo. Nan dili mo na ginatagad ang kung unsa pa man: kung unsa pa man ka-imposible kini, dili na ginatagad kung unsa pay giingon sa doktor, dili mo na ginatagad kung unsa pay giingon ni mama, kung unsa may giingon ni papa, kung unsa may giingon sa magwawali, kung unsa may giingon ni kinsa pa man. Ang ginatagad mo mao lang kung unsay giingon sa Dios!

231 “Wala niya gitagad ang iyang kaugalingong lawas nga karon patay na, ni ang pagkaapuli sa tagoangkan ni Sarah.” Wala man gani kini gihatagan ug pagtagad. Oh, sus, nagapaalimpungat gayud kana kanako. Lawas nga patay na, ni ang pagkaapuli sa tagoangkan ni Sarah, wala gani hatagi’g mga pagtagad.

232 Walay mga panghitabo ang pagatagdon sa diha nga ang pagtoo nakakaplag na sa iyang binhianang yuta! Sa diha nga ang binhing-semilya sa lalaki makaplagan ang—ang itlog diha sa babaye, ug pareho silang mahimsog, usa ka butang ang mahitabo. Aleluya! Makaingon ang doktor, “Dili ka na makaanak. Mapamatud-an ko nga ang imong—imong mga semilya patay na sa imong lawas, ug ang iyang mga itlog dili na gayud magmahimsogon.” Apan pasagdi kanang mahimsogong itlog, pasagdi kanang semilya nga mahisuksuk ang iyang kaugalingon sa usa ka higayon ngadto nianang maong itlog, bantayi kung unsay mahitabo; mangtungha kanang gamay’ng batang lalaki o gamay’ng batang babaye. Ngano man? Ang Pagtoo nakakaplag na sa iyang binhianang yuta. Ang mga buhat misugod na sa pagpamuhat, selula nga ibabaw na sa selula, ug ania na nagaabot ang usa ka gamay’ng bata. Amen. Dios, kaloy-i kami. O Dios, kon malig-on lang kami nga mga Cristohanon ingon nga gikinahanglan gayud! Kon kita mga lalaki ug mga babaye lang gayud nga mahimong saligan ang Dios diha sa Iyang Pulong! Dili mo kini mahimo hangtud nga nahipadayag kini kanimo.

Kinahanglan ko nang dalion.

233 Himatikdi, ang balaanong pagtoo sa Dios ghiusa diha sa balaanong mga buhat sa Iyang propeta. Hinumdomi, ang

balaanong pagtoo sa Dios gipadayag ngadto kang Abraham. Iyang gidawat kini, ug pinaagi niana nagsugod siya diha sa iyang balaanong mga buhat, pinaagi sa pagtoo. Ang binhi sa saad aduna nay lugar nga pagatuboan. Unsa kaha kon miingon siya (si Abraham) “Bueno, kabalo ka, Sarah, tatal, kaluhaan na’g lima ka mga tuig sukad nga gisaad kana sa Dios”? Uh-oh! “Kon aduna may butang nga mahitabo,” kita n’yo. Apan dili kini mamahimo. Nasayod ang Dios nga dili niya buhaton kini.

²³⁴ Unsa kaha kon miingon si birheng Maria, “Bueno, karon, sa makadiyot lang! Ang usa—usa ka ulay magasamkon? Bueno, pahawaon nila ako sa akong iglesia kon moadto ako ug moingon sa butang nga ingon niana”? Karon, mahimong nahunahunaan niya kadtong maong mga panghunahuna kon dili pa niadtong naandam nang binhianang yuta.

²³⁵ Sa dihang giingon niadtong maong propeta, “Usa ka ulay ang magasamkon,” igo na kana. Kita n’yo?

²³⁶ “Kining mga timailhan maganunot kanila nga nagatoo.” Kon ang usa ka binhianang yuta napahiluna na dinha sa dihang kanang Pulong mahulog na diha, mokupot kini. Wala nay makapugong Niini.

²³⁷ Karon, sa pagdali, samtang ato nang ginatapos. Kita n’yo, ang Binhi adunay dapit nga tagoanan. Nahibalo ang Dios niini, o dili na unta Niya gihatag pa ang saad ngadto kang Abraham. Karon paminaw, ug maayo karon. Nasayod ang Dios kon asa mahiadto ang maong saad; Wala gayud gani Niya gitawag si Abraham hangtud nga nag-edad na siya ug kapitoan ug lima ka tuig, apan siya maoy Iyang predestinadong alagad gikan pa sa sinugdanan, mao man usab si Sarah.

²³⁸ Himatikdi, hinumdomi, wala kaniadto siya’y mabasa nga Biblia. Wala siya niini sa ingon kasayon nga nagkaaduna kita niini karong panahona, aron basahon ang Iyang Pulong ug makita ang uban pa nga nagkupot Niini. Hinumdomi, nagkaaduna lang siya Niini pinaagi sa pinadayag, ug kana mao ang tinuod nga butang. Mao sa gihapon kaniadto kung giunsa kang Joseph, sa Genesis, wala pay Biblia kaniadto. Hinumdomi, gisulat ni Moises ang Genesis, Exodo, Levitico, ug Deuteronomio. Walay usa sa mga tawo kaniadto ang adunay Biblia nga mabasa hangtud human na kang Moises. Husto ba kana? Wala sila’y Biblia kaniadto nga aduna kita, aron tabangan kita diha sa atong bakul nga kahintang. Mga malig-on silang mga tawo kinsay. . . gipadayag kanila sa Dios, ug gibarogan mismo nila didto. Walay bisan unsang nakapairog kanila. Karon, nahunahunaan n’yo ba nga mahimong magkaaduna pa kita sa gihapon nianang maong lig-on nga pagtoo? Kon nahipadayag Kini kanimo!

²³⁹ Pasayloa ako sa maong panulti, o sa testimonyo niining higayona, sa dili pa ang pagtapos. Nahinumdoman ko dinhi sa

“Twin City,” nga sa pagtoo ko si Igsoong Brown ug sila kauban ko kaniadto; ug ginahisgotan ko kadto ang kinabuhi ni Joseph, diha sa Biblia. Ug akong gibasa kanang Biblia, adunay tawo didto nga walay ikasaway! Si Abraham, Isaac, Jacob, ug tanan sila, may butang nga ikasaway kanila, apan wala kang Joseph. Daw sa unsa nga tawo, usa ka hingpit nga tawo, usa ka hingpit nga tipo ni Cristo!

²⁴⁰ Sa dihang nabasa ko kana, nakahilak gyud ako, usa niana ka adlaw, diha sa akong gamay’ng daang lawak sa hotel. Ug miadto ako sa aparador diin atua ang akong mga bisting gisang-at, giabli ko pagdunganan ang sira, ug miingon ako, “Dios, gusto kong mopasalamat Kanimo alang sa usa ka tawo nga sama kang Joseph, usa ka tawong sa makausa nagpuyo sa ibabaw sa yuta, usa—usa ka tawo diha sa unod sama kanako, usa ka tawo nga mahimong toohan Ka ug saligan ang Imong Pulong.” Gidumtan siya sa iyang mga igsoon. Dili niya mapugngan ang pagka-espirituhanon. Nakakita siya ug panan-awon. Makahubad siya ug damgo. Tanan sila nagdumot kaniya tungod niini. Dili niya mapugngan kana, kaya mao gyud kana siya.

²⁴¹ Kita n’yo, dili gyud kini mao sa uban. Angay unta nga gihigugma nila siya, apan imbis ingon niana. . . Pag suginlan gani niya sila, usahay sa mga butang nga batok kanila, “Oh,” moingon sila, “ania na pud kanang magdadamgo.” Kita n’yo? Ug gidumtan nila siya sa walay hinungdan.

²⁴² Ako miingon, “Nganong gibuhat man nila kana?” Ug labot pa wala gayud natarog kanang maong lalaki, nagpabilin siya mismo didto. Kita n’yo? Ako miingon, “Salamat Kanimo, Ginoo. O Dios, salamat alang sa ingon nianang maong tawo.”

²⁴³ Ug niadtong tungora mismo nagpahayag ang Balaang Espiritu kanako, miingon, “Makabaton ka’g usa ka anak nga lalaki, ug imo siyang hinganlan ug ‘Joseph.’” Mitindog ako gikan didto ug nagpasalamat sa Ginoo.

²⁴⁴ Si Becky, nga nagalingkod dinha sa likod, bag-o pa lamang natawo kaniadto nga mga usa pa ka. . . mga usa ka tuig ang iyang panuigon. Natawo siya pinaagi sa caesarean, kaliwat sa pamilya sa akong asawa ang pagka-caesarean; tungod kay wala gayud sila nagabuka ingon sa gikinahanglan sa babaye, gahi ang mga bukog sama sa lalaki, ug gikinahanglan operahan ang inahan niya aron siya mapahigawas. Ug gisultihan ako sa doktor, miingon siya, “Igsoong Branham, ayaw na gayud magkaaduna pa ug dugang anak pinaagi niining babaye.” Miingon, “Manipis na ang tagoangkan niya sama sa usa ka balloon.” Miingon siya, “Maayo pa tugotan mo akong bugkuson na kadtong mga tubo.”

²⁴⁵ Ako miingon, “Dili, ayaw ko. . . ayaw gyud hunahunaa sa pagbuhat niana, ‘Dok.’”

²⁴⁶ Miingon siya, “Bueno, ikaw—ikaw—ikaw maga. . . Kinahanglan dili na siya magkaanak pa.” Miingon, “Mahatagan

mo siya ug kadaut,” miingon, “mamatay siya.” Miingon, “Nagka-delikado kami kaayo didto,” miingon, “ikaw lang . . . mao pa lang siya nakalampos.”

²⁴⁷ Ug unya ang Ginoo misulti kanako nga ako “magkaadunay anak nga lalaki” ug ang ngalan niya mamahimong “Joseph.” Wala gayud ako nahadlok niini. Ang tanan, kadaghanan kaninyo, makahinumdom.

²⁴⁸ Miadto ako, gipangpahibalo kini, “Makabaton ako’g anak; ang ngalan niya mao si Joseph.” Pila ba ang nakahinumdom niini? [Ang kongregasyon nagaingon, “Amen.”—Ed.] Oo! Sa tibuok palibot, sa tibuok nasud, sa tanang lugar, ginasultihan ang mga tawo nga, “Makabaton ako ug anak; ang iyang ngalan mao si Joseph.”

²⁴⁹ Mao gihapon sama niadtong maong gamay’ng bata nga gibuhi, didto sa Finland, gikan sa pagkapatay. Atua mismo si Igsoong Jack sa dihang nahitabo kini. Gisulti ko na daan kaninyo, mga duha kon tulo ka tuig sa wala pa kini nahitabo, “May usa ka gamay’ng bata,” kon unsa ang iyang saput, kon diin siya mapahimutang. “Mao’y giingon sa Dios!”

²⁵⁰ “Kon unsaon man niini sa pagkahitabo?”

²⁵¹ “Wala ako masayod! Apan nahipadayag kini kanako nga mahitabo kini!”

²⁵² Nahipadayag kini kanako, “Nga mahiadto ako sa Arizona, ug didto akong mahibalag ang pito ka mga Manulonda. Ug igasugilon nila kanako, ug ang Mensahe nga akong igawali.” Ug kadto mao ang Pito ka mga Selyo. Nahitabo kini! Pila ba ang nakahinumdom kanako sa pagsulti niana? Ang mga teyp ug maong mga butang magapamatuod niana. Ug nahitabo kini! Ang mga magasin, tanang uban pa, mikuha sa litrato Niini. Nianang maong Kahayag diha sa kahanginan, nga dili pa nila sa gihapon masabtan Kini. Mao na gayud kadto.

²⁵³ Nahinumdoman kong gitawgan ko si Igsoong Jack ug gipangutana siya bahin niana, si Cristo nga nagatindog didto, ug si Igsoong Jack miingon, “Mao kana’y sa Iyang mahimayaong kahimtang.” Kita n’yo? Gihigugma ko si Igsoong Jack. Siya maoy usa sa mga pinakamaayong teologo nga akong naila, apan dili ko lang kini mapatukma gayud.

²⁵⁴ Nagbarog ako didto, miingon ko, “Ginoo, sa unsa man kini? Ang batan-ong lalaki dinhi” miingon ko, “nga may buhok nga daw balhibo sa carnero.”

²⁵⁵ Ug miingon Siya, “Siya nakapeluka.” Tan-awa diha sa libro, sa wala pa gayud kini mahitabo, giingon ko na kana. Ug niadtong adlaw sa dihang nahitabo kana, mipataas kini. Ug unya inyong lisoong patakilid kanang maong litrato, kung anaa mo’y *Look Magazine* o *Life Magazine*, lisoa patakilid. Mao gayud Siya, sa hingpit, ang kang Hoffman nga *Ulo ni Cristo*,

nagadungaw diin atua ako nagatindog; anaa Kini diha sa maong magasin! Pila bay nakakita Niini? Siyempre, kamong tanan nakakita na. Didto, kung tan-awon ug balik, nagpamatuod sa tukma nga husto ang maong pinadayag.

²⁵⁶ Nganong nakapeluka man? Aba, ang mga Ingles nga maghuhukom kaniadto, ang mga Judeo nga maghuhukom, nagasuot kaniadto ug usa—usa—usa ka peluka, ginagamit nila sa gihapon sa Englatera; sa dihang siya’y . . . mao kanay pinakataas nga awtoridad, nagasuot siya ug peluka. Ug kana nagapakita Kaniya nga nagabarog didto, nakapeluka sa mga paku sa mga Manulonda, Siya mao ang Alpha ug Omega. Siya ang Pinakataas nga Maghuhukom, ug wala nay lain uban kondili Siya. Siya pagatan-awon maingon sa Alpha ug Omega. Ug didto Siya nga maoy usa ka batan-ong lalaki, nga dili molapas sa katloan ka tuig ang panuigon, nga nagasuot ug pelukang puti. Nagapakita nga Siya maoy Pinakataas, ang Dios, “Gitugyan sa Amahan ang *tanan* nga pagpanghukom ngadto sa mga kamot sa Anak.” Aleluya! Ang pinadayag wala gayud masayup! Isulti Kini bisan pa, bisan unsa pa kini pamation, mosibo gayud diha sa Pulong.

Karon hinumdomi, paglabay sa upat ka tuig, ang akong asawa . . .

²⁵⁷ Nasayod kami nga makabaton gyud kami ug usa ka bata. Ang tanan miingon, “Kini na ba si Joseph nga magaabot?”

²⁵⁸ Miingon ko, “Tingali kini na, wala ko kahibalo, apan magkaaduna gyud ako’y Joseph.”

²⁵⁹ Sa dihang natawo na kini, si Sarah kadto. Dayon may usa ka tawo nga mitawag kanako, ug gikataw-an ako, miingon siya, “Ang ingnon mo, nahibalo ka ba’g unsa? Ang pasabot mo Josephine!” (Ang maong tawo namatay. Ang maong tawo namatay.)

²⁶⁰ Ako miingon, “Sir, ang giingon ko, ‘Gisulti sa Dios kanako nga ako “magkaadunay anak nga lalaki” ug akong “pagatawgon ang iyang ngalan ‘Joseph’!””

²⁶¹ May tulo ka tawo nga mibiya sa usa ka pang-denominasyon nga simbahan ug miadto sa among simbahan, ug nadungog akong nagasugilon niana. Sa dihang natawo na si Sarah, sila miingon, “Huh! Usa siya ka mini nga propeta.”

²⁶² Miingon ko, “kadiyut lang, mga gining, wala gyud ako miingon *kon kanus-a*, ni ang Dios wala nag-ingon nga *kanus-a*. Giingnan Niya ako, nga ‘magkaadunay usa ka . . .’ Iyang . . . gisuginlan si Abraham, sila ‘magkaadunay usa ka Isaac,’ apan natawo si Ismael taliwala niadtong panahona, apan wala kadto nagpawala Niini.” Miingon ko, “Giingon sa Dios nga makabaton ako niining maong batang lalaki ug pagatawgon ang iyang ngalan ‘Joseph.’”

263 Ang doktor miingon, sa dihang miduol siya, miingon siya, “Reverend, ako nang bugkuson kadtong mga tubo karon.” Miingon, “Akong . . .”

264 Ako miingon, “Ayaw gyud kini buhata!” Miingon ko . . .

265 Siya miingon, “Bueno, tingali makaminyo ka pa pag-usab ug maangkon sa gihapon kanang maong batang lalaki.”

266 Ako miingon, “Maangkon ko kini pinaagi kaniya! Maoy giingon sa Dios!” Dili ko kini mabasa sa Biblia apan nahisulat kini sa akong kasingkasing pinaagi sa pinadayag, pinaagi sa pagtoo; maoy giingon sa Dios! Dili ko gusto magduhaduha diha sa saad sa Dios pinaagi sa kakulang sa pagtoo.

Ang uban kanila miingon, “Ang buot mong ipasabot ‘Josephine.’”

Ako miingon, “Ang gipasabot ko ‘Joseph.’”

Ang doktor miingon, “Dili na siya magkaanak pa.”

Ako miingon, “Magkaanak pa siya.”

267 Milabay ang upat ka tuig, sa katapusan nagsamkon na usab siya.

268 Dayon may usa ka babaye, (namantala sa tibuok nasud ang usa ka bakak nga pagpanagna) ginasulat ang maong mga panulti, miingon, “Karon mamatay na si Meda, atol niining panahona, tungod kay gisugo ako aron pangunahan si Bill.” Ug miingon kini nga “Dili man siya mamati kanako kay babaye man ako, ug balusan siya sa Dios karon pinaagi sa pagpatay sa iyang asawa.”

269 Ako miingon, “Gipadala sa Dios si Jesus Cristo aron pangunahan ako.” Kita n’yo? Ug ako miingon, “gipangunahan ako sa Espiritu.”

270 Makaluluoy’ng Meda. May usa kami ka nars nga naayo didto sa mga panagtigum, naila ninyong tanan, si Mrs. Morgan, (ug usa sa mga nars sa Mayo, sa delikado nang mga kahimtang). Bueno, atua na siya sa listahan nga, “patay na,” mga kaluhaan na ka tuig ang milabay, tungod sa kanser, “kanser nga sarcoma,” sa Louisville, didto mismo sa listahan sa Baptist nga ospital. Nagatrabaho siya sa pagkanars sa—sa Jeffersonville, diha sa ospital, karon. Nagatrabaho siya didto hangtud niining mga tuiga, kay nag-ingon ang Dios nga “mabuhi siya.”

271 Ug, mao nga, gimahal siya ni Meda, ug miingon siya, “Gusto kong kuyogan ako ni Margie, Bill, mora’g dili ko gustong moadto sa ospital.”

272 Ako miingon, “Ayaw himoang . . . Gimahal nato si Margie, apan dili si Margie ang atong Dios, si Margie atong igsoon.” Ug miadto ako sa Green’s Mill. Naguol gyud ako kaniya. Siyempre, mahal ko siya. Mipaingon ako sa Green’s Mill.

273 Ug miingon siya, “Bill, sa hunahuna mo kaha mamatay na ako?”

274 Ug ako miingon, “Wala ako mahibalo, apan ang maong bata mamatawo, bisan unsaon pa man. Maangkon mo na ang usa ka Joseph.”

275 Miingon siya, “Kini na ba kaha siya?”

276 Ako miingon, “Wala ako kabalo, Honey. Dili ko makaingon, apan giingon sa Dios kaniya nga ‘magkaaduna siya’y Joseph,’ ug magkaaduna kita’g Joseph. Dili ko igsapayan kung unsa mang butang ang ginasulti, magkaaduna kita’g Joseph. Kay, ang mao ra nga Dios nga nagsulti kanako sa tanan niingon mga pinadayag, ang nagsulti kanako *niana*, wala gayud Siya napakyas sa uban niini ug dili Siya mapakyas niana.”

277 Misaka ako, sa mill, aron sa pag-ampo. Ug nagsugod ako didto. Atua ang maong Kahayag nga nagapahimutang diha sa duha ka mga kahoy, nag-ingon, “Balikan mo ang imong Pulong, ngadto sa Basahon.”

278 Gibalikan ko ang Biblia, ug nga naphimutang diha sa akong sakyanan. Ug sa nabuhat ko na, nahuyop kini sa hangin ngadto sa bahin diin si Nathan nagalingkod, ug si David; ang giingon, “Lakaw suginli ang Akong alagad nga si David; gikuha Ko siya gikan nianang toril sa mga carnero, gikan sa pagpakaon niadtong pipila ka mga carnero sa iyang amahan, ug gibuhat Ko siyang daku nga ngalan sama sa daku nga tawo.” (dili tanan sa—sa pinakadakung ngalan, kondili *maingon* lang sa usa ka daku nga tawo; wala siya gihimo gayud nga usa ka Billy Graham, kondili usa ka . . . gihatagan siya ug ngalan, nahibalo na mo) Ang giingon, “Gibuhat Ko kana, apan” miingon, “Dili Ko siya matugotan sa pagtukod sa maong templo, apan ang iyang anak. . .” Ug sa pagkalitok gayud Niini, “Iyang mga anak,” oh, sus, mao na kadto.

279 Ako miingon, “Joseph?” Tinuod kana.

280 Diha dayon miuli ako sa balay. Ug didto ang gamay kong asawa, midaku na ug ayo, siya, may dakung batang lalaki, dili na siya halos makalakaw, paggawas diha sa tugkaran. Midagan ko, gigakos ko siya, ug ako miingon, “Honey! Moabotay na si Joseph. Moabot na si Joseph.”

281 Nahibalo si bisan kinsa, sa cesarian, dili mo mahimong pasagdan nga mous-us ang bata. Nianang gabhiona ang bata mius-us, migawas ang tubig, ang tanan na.

282 Pagkasunod buntag, sa alas siete, miadto na kami sa ospital, ang doktor miingon, “O, kaluoy, pagkaluoya ba.”

283 Ako siyang gihalokan, sa pag-ingon, “Honey, dili na magdugay, maania na si Joseph.” Misaka siya, ingon niana, diha sa operahanang lamesa.

284 Sa pipila ka minuto, mikanaug na ang nars, miingon, “Rev. Branham?”

285 Ako miingon, “Oo, madam.”

286 Miingon siya, “Aduna ka nay usa ka mahimsog, pito ka libra, ug tulo ka onza, nga batang lalaki.”

287 Ako miingon, “Joseph, anak, maayong pag-abot.” Oo, sir! Ngano? Ngano? Unsa ba kini? Wala kini nahisulat sa Biblia nga mahitabo, kondili ang mao ra nga Dios sa Biblia nga nagpadayag niini ngadto kang Abraham, wala nato pagtagda ang pagkapatay sa iyang tagoangkan, ang pagka-imposible nga maingon niana. Wala ninyo ginaduhaduhan ang saad sa Dios pinaagi sa kakulang sa pagtoo, kondili ginahatagan n’yo ug pagdayeg ang Dios, nasayod nga kini mahitabo gayud! Dili ko igsapayan kon unsa ma’y ginaingon sa doktor, ang tanang uban pa magaabot sa tanan nang matang nga pamaagi, apan ayaw gayud ninyo tohi kini, usa kini ka bakak sa Yawa. Oo, sir, tinuod. Ang pagtoo nagalihok, uban sa mga buhat, aron matuman ang saad. (Ato nang dalion.)

288 Sa tukma gayud sa giingon niini, “Si Rahab nga bigaon,” giingon ni Santiago, “gipakamatarung pinaagi sa mga buhat.” Apan ngano? Sa iyang pagtoo!

289 Miingon siya, “Akong nadungog nga ang Dios kauban ninyo.” Dili niya buot tan-awon kon giunsa man ni Josue pagdala sa iyang buhok, o kon giunsa niya pagsul-ob ang iyang mga bisti. Siya miingon, “Nasabtan ko nga kauban ninyo ang Dios.” Mao lamang kana ang tanang gikinahanglan, nangandam siya.

290 Sama lang sa matuod nga panan-awon karong panahona, (Ako nang tapuson sa dili madugay) ang tinuod nga mga panan-awon gikan sa Dios karong panahona, mao kini ang gisaad nga Pulong alang sa maong adlaw. Moingon, “Kining maong mga panan-awon, Igsoong Branham, asa man nimo kana ginakuha?” Nagakapangdol ang mga tawo niana. Dili ba ang Mga Buhat 2:17, nag-ingon man, “Mahitabo sa ulahing mga adlaw nga ang inyong batan-ong lalaki makakita ug mga panan-awon, ang inyong mga tigulang nga tawo magadamgo ug mga damgo”? Dili ba husto kana? Mao kana’y giingon sa Biblia.

291 Bueno, karon kon ingon niana man, tan-awa pud diha sa Malaquias, sa ika-4 nga kapitulo, ug hibaloa kon kini dili ba gisaad karong panahona. Unsaon man nimo pagkaadunay pagtoo diha Niini? Maoy giingon sa Biblia!

292 Karon kuhaa n’yo ang Lukas 17:30 ug basaha kini. Nag-ingon si Jesus, “Maingon sa mga adlaw sa Sodoma, mao man usab niini sa pag-abot sa Anak sa tawo.” Maingon kaniadto sa Sodoma. Karon, tan-awa ang kahintang sa kalibutan karong panahona: mga Sodomanhon. Tan-awa kadtung si Billy Graham ug si Oral Roberts, silang duha ka mga saksi, atua didto nagapanghimatuod ngadto sa mga kasimbahanan

sa denominasyon. Ang usa ngadto sa Methodist, Baptist, ug Presbyterian; ang usa naman ngadto sa mga Pentecostal. Ang usa *niini*, usa *niana*, ug ang *laing* usa pa.

²⁹³ Apan hinumdomi, wala kaniadto sa Sodoma si Abraham, gitawag na siya pagawas. Ug adunay Usa nga nagpabilin ug nakigsulti ngadto kaniya! Ug ang Usa nga nagpabilin ug nakigsulti kaniya, nagpakita *kaniya* ug usa ka ilhanan. Samtang nakatalikod siya, nag-ingon Siya nga magkaanak si Sarah sa usa ka bata nga iyang gipaabot. Amen. Nga nakatalikod Siya. Ug iyang gitawag Kini, “Dios, Elohim.”

²⁹⁴ Karon, kana nagakahitabo na sa pagkakaran, tungod kay aduna kita’y pagtoo. Ug nasayod ako nga kini iya sa Dios, mao kay kini ug ang uban pang Kasulatan nagapahinungod niining taknaa. Pinadayag 10, nag-ingon nga “diha sa oras sa Mensahe sa ikapitong manulonda, sa dihang sugdan na niya ang pagbudyong sa iyang Mensahe,” dili diha sa buluhaton sa pagpanambal, kondili ang Mensahe nga nagasunod sa maong buluhaton sa pagpanambal.

²⁹⁵ Miadto si Jesus ug nagwali. Siya miingon, “Nanambal Siya sa masakiton, ug tanan na. Oh, kanang batan-ong Rabbi, nga propeta, usa Siya ka dakung tawo. Gusto namo Siya sa among simbahan.”

²⁹⁶ Apan usa niana ka adlaw mitindog Siya, miingon, “Ako ug ang Akong Amahan Usa ra.” Oh, sus. Wala na sila ganahi pa Kaniya niadto dayon. Oo. Oh!

²⁹⁷ “Gawas kon kamo mokaon sa unod sa Anak sa tawo, ug moinum sa Iyang dugo!” Wala Niya gisaysay Kini. Miingon, “Gawas kon kamo mokaon sa unod sa Anak sa tawo, ug moinum sa Iyang dugo, wala kamo’y Kinabuhi diha kaninyo.”

²⁹⁸ Aba, mahunahunaan ko, ang uban nga mga doktor ug mga nars miingon, “Usa ka bampira kining tawhana, nagasulay pagpainum kanato sa iyang dugo.” Kita n’yo, wala nila masabtan Kini. Nasayod Siya niini.

²⁹⁹ Apan silang mga tinun-an, tingali dili nila mahimong isaysay kini, apan nanglingkod sila didto ug gitooan nila Kini sa gihapon, amen, kay nahipadayag Kini kanila. Oo, sir. Nasayran nila Kini, ang mga Kasulatan nagpahayag Niini.

³⁰⁰ Kung ingon-ana mahimong ipangutana kanako ang mahitungod niini, kon tingali ingnon n’yong, “Nganong aduna man ka’y pagtoo aron toohan kining maong mga panan-awon, samtang—samtang adunay daghan kaayong mini nga mga pagsundogsundog nga nanggawas?”

³⁰¹ Isulti ko ang usa ka butang, nga mabug-at, sa pipila ka mga minuto karon. Sa dihang daghan na kaayong mini nga mga pagsundogsundog sa palibot, hinumdumi, akong igsoon, sila usab gisulti na nga kinahanglan maania sila dinhi sa mao

niining panahon gihapon. Mao kana'y sa tukma gayud, maingon kaniadto sa mga panahon ni Moises. Miadto si Moises aron buhaton ang mga buhat sa Dios sa atubangan sa mga tawo, ug atua si Jambres ug Jannes nga nagabarog didto. Apan kinsa bay nahauna sa pagbuhat niini? Kung ingon-ana kining uban pa maoy mga manunundog, kay kinahanglan adunay usa ka orihinal una nga ilang pagasundogan. Kon sila pa ang nahimong orihinal. . . Uh-huh. Dili, kita dili—dili kita ang nahisalaag. Nasayod kita kon asa na kita, kita n'yo, kita n'yo, pinaagi sa Kasulatan ug pinaagi sa pinadayag sa Dios. Mao nga nagabarog kamo sa gihapon.

³⁰² “Aba, *kining* tawhana, makakita man siya ug mga pananawon ug uban pa. Ginabuhat niya *kini*, ug siya nagapakig-uban sa asawa *niining* laing tawo. Nagatoo siya sa—sa tulo ka dios, ug tanan na niining mga butanga.” Wala kana nakapakignat Niini sa diyutay man lang. Ug ania ang usa ka butang nga dili nila masundog: ang Pulong! Himatikdi. Mahimong maanaa kanila ang tanan niining mga butanga, makasulti sila ug mga dila, makasinggit sila, makasayaw diha sa Espiritu, ug mamahimong mga yawa sa gihapon. Uh-huh. Husto kana. Husto kana. Apan kining Pulong ang nagasukod kanila. Kita n'yo? Husto gayud kana. Kini mao kon diin ang paingnan niini. Maingon nga si Moises, ug si Jambres. . .

Ug hinumdomi, Siya miingon, “Maingon kang Jambres ug Jannes nga mibatok ni Moises, manungha pag-usab kining mga manunundog sa kalibutan sa katapusang mga adlaw.” Gisulti ba Niya kini? [Ang kongregasyon nagaingon, “Amen.”—Ed.] Bueno, ania na sila kanato.

³⁰³ Apan wala kana nakapakignat kang Moises. Sa dihang si Moises miliso ug gibuhat ang usa ka milagro diha sa Ngalan sa Ginoo, ug ania nagbarog kining mga manunundog, gibuhat ang mao gihapon nga butang. Wala kana nakapahunong kaniya, nga moingon, “Bueno, maayo pa nga moundang na ako ug mohawa na sa maong natad.” Mipabilin siya mismo didto. Tungod kay unsa? Gipadayag Kini ngadto kaniya. Aleluya! Nasayod siya pinaagi sa Pulong sa Dios. Nasayod siya nga sa kaulahian pagaabtan sila sa Pulong. Nasayod siyang moabot ang panahon nga sa diha ang Pulong mopadayag na sa Iyang Kaugalingon, ug dili na sila mahimong magpadayon pa.

³⁰⁴ Mao sab nga nasayran ko na kini, sulod niining mga katuigan, kita n'yo, husto kana, nga magaabot ang maong panahon. Sa dihang nagapadala ang Dios ug bisan unsang milagro, tinuod nga milagro, kanunay aduna gyuy kausaban diha sa tibuok sistema. Sa dihang nagapadala ang Dios ug usa ka butang ngadto sa iglesia, ug ang karaang sistema wala nausab, nahipadala Niya kini sa walay kapuslanan. Sa dihang migula ang Mensahe diha sa mga timailhan ug mga kahibulongan, adunay Mensahe nga nagasunod niana. Sa dihang si Jesus

milakaw nga nagapang-ayo sa masakiton, nagaabot dayon ang Iyang Mensahe, “Ako ug ang Akong Amahan Usa ra. Ako mao Siya.” Kita n’yo? Kita n’yo, sila—sila wala mitoo Niana. Ilang gitooan ang Iyang mga milagro. Miingon, “Kon dili kamo makatoo Kanako, toohi kadtong mga milagro, kay sila nagapamatuod kaninyo, kon kinsa Ako.” Oh, sus, Pagkahimaya! Kinsa man ang nahauna? Si Moises! Dayon ila siyang gisundog. Apan ang dakung mga kamatuoran sa gihapon nagapabilin nga mao ra tali sa matarung ug sayup, dili nila madawat ang Mensahe! Dili nila madawat ang Mensahe nga dili-sinagolan, gikan sa Pulong sa Dios.

³⁰⁵ Dili mahinungdanon kanako, mahimong nabuhat man ni Judas ang tanang matang sa mga timailhan ug mga kahibulongan; apan, sa pag-abot na niya sa pagdawat sa Balaang Espiritu diha sa Adlaw sa Pentecostes, mipakita siya sa iyang kolor. Kanang Yawa makaabot mismo ug masundog mismo ang pinakamaong butang gayud, hangtud nga kini moabot niining Pulong, apan dili niya mahimong dawaton ang kinatibuk-an nianang Pulong. Mahimo niyang maasoy kining tanan, tingali ngadto sa usa ka Pulong sama sa gihimo ni Eva, ang gihimo sa Yawa ngadto kang Eva, apan dili niya mahimong latason ang kinatibuk-an niini. Tungod kay ang usa lamang. . . ang kinatibuk-ang butang mao’y Lawas ni Cristo. Kita n’yo, ang Pulong sa pagkakaran. Ni makahimo. . . Dili nila mahimo, dili madawat ang Mensahe sa pagkakaran, ni mahimong dawaton ni Jambres ug ni Jannes ang Mensahe ni Moises. Dili nila mahimo kini. Ang mga pamuhat nilang pagsundogsundog nadayag na, tungod kay dili nila mahimo ang pagsunod sa Pulong sa Dios nga gipamatud-an na pinaagi sa Iyang dinihogang propeta. Kita n’yo?

³⁰⁶ Dili nila mahimo ang pagsunod sa Israel pagawas. Ngano man? Kay sila mga pang-denominasiyon, mga batang Egiptohanon! Dili nila mahimo ang pagsunod nianang Pulong. Kon gisunod pa nila, gikinahanglan nilang mobiya sa Egipto. Ang Nile, ang tanan, na nagpausbaw kanila, ug dili nila mahimo kini. Bisan pa nga ilang masundogsundog ang maong mga buhat, ug buhaton ang gibuhat ni Moises, apan nahipadayag ang ilang kabuang sa dihang miabot na ang panahon sa pagbiya. Dayon gibubo na gayud sa Dios kini, diha kanila.

³⁰⁷ Mao sa gihapon karon! Buhaton na nila tingali ang tanang matang sa mini nga mga pagsundogsundog ug ingon nianang mga butang, dili kana magpulos kondili ginapadaku lang ang matuod nga butang. Ug ang si bisan kinsa nga magtotoong anak nasayod nga mao kana’y Kamatuoran. Uh-huh. Dinhi inyong makita sa tin-aw, kung ingon-ana, ang mga buhat sa ilang kabuang sa ilang pagsundogsundog. Kon ang inyong—kon ang inyong mga buhat mao ang tinuod nga Pulong ug gipamatud-an pinaagi Niini, pinaagi sa inyong pagtoo, magapadayag kini, ug

ingon nga usa ka saad sa Dios, diha sa Iyang orihinal nga nasulat nga Pulong.

³⁰⁸ Si Jesus miingon, “Kon Ako wala man magbuhat sa mga buhat. . .” Paminaw’g maayo! “Kon Ako wala man magbuhat sa mga buhat. . .” Tugoti kong modugang Niini. “Kana mao’y, kon Ako wala man magbuhat sa mga buhat nga ginaingon sa mga Kasulatan nga Akong buhaton, nan. . . buhaton kana diha sa Akong kapanahonan, sa dihang Ako moabot, kon unsa may angay’ng pagabuhaton sa Mesias sa dihang Siya miabot na. Kon ang mga butang nga Akong ginabuhat, kon wala ginapamatud-an sa Dios kanang Pulong nga Iyang giingon nga mahihat, kon ang Akong kinabuhi wala man gikinabuhi kanang Pulong sa tukma gayud kon unsay giingon Niini nga pagabuhaton Niini. . .” Ayaw sipyata kini! Si Jesus nagaingon, “Nasayod man kamo kung unsa’y pagabuhaton sa Mesias. Nan, kon kana ang nahisulat nga Pulong, ug dayon wala Kini nagapadayag sa Iyang Kaugalingon pinaagi Kanako, nan dili Ako mao Siya.” Amen! “Nan ang maong adlaw nga akong ginahisgotan sayup, kon unsay giingon ni Juan bahin Kanako dili na tinuod. Ug kung ingon-ana nga Ako dili man mao kanang Mesias, kung kadtong mga buhat nga mao’y angay’ng buhaton sa Mesias. Siya’y mamahimong mao ‘ang ipatungha nga propeta nga sama kanako sa Ginoo nga inyong Dios,’ ug dili pa kamo nagkaadunay propeta sa mga gatusan na ka mga katuigan. Ug kon kadtong mga buhat nga Akong ginabuhat, nga gikasaad sa Dios, kon wala kini sila nahipadayag diha sa Akong kinabuhi sa pagkakaran, nan Ako dili mao Siya. Apan kon ang gikasaad nga Pulong alang niining maong kapanahonan gipanghimatud-an diha Kanako, nan Ako mao Siya ug ang saad nahiabot kaninyo.” Oh, sus, wala nay makita pang mas tin-aw Niini! “Kon ang saad dili man. . .” Oh!

³⁰⁹ “Nan kon ang maong saad nianang adlaw nahipadayag sa Akong ministerio,” miingon si Jesus, “nan Ako mao Siya. Busa kon nalisoran kamong motoo kung kinsa Ako, nan tan-awa ang maong mga buhat nga gikasaad alang niining adlaw.” Amen! “Tan-awa ang mga buhat nga gikasaad na. Kon kadtong maong mga buhat wala nangatuman, ang matag-usa kado dinhi Kanako, nan ayaw pagtoo Kanako, tungod kay nagsulti Ako kaninyo ug sayup. Dili kamo makatoo Kanako, tan-awa na lang ang gisulti sa Biblia nga magakahitabo niining adlaw. Kon wala kini nagakahitabo, nan dili kini tinuod. Kon kining mini nga mga butang wala dinhi, ug ang tanang uban pa niining mga butang, ug ang mga butang nga angay nang nagakahitabo; kon wala kini dinhi, nan sayup ako. Apan kon kini mao man,” miingon si Jesus, “nan Ako mao Siya.” Amen! “Ako mao Siya nga gikasaad na nga moanhi.”

Oh, sus, mao rang mga buhat nga gikasaad, diha sa Iyang adlaw, nagpamatuod *Kaniya* nga mao kanang Mesias.

Wala ba kamo nagatoo niana? [Ang kongregasyon nagaingon, "Amen."—Ed.]

³¹⁰ Bueno, karon, igsoon, kon ang mga buhat sa Lukas, sa ika-17 nga kapitulo ug sa ika-30 nga bersikulo, ang saad ni Jesus Cristo, sa dili pa ang Iyang pag-anhi, nga ang kalibutan mobalik ngadto sa pagka-Sodoma ug ang mga mensahero manggawas, ug ang mga butang magakatuman sa tukma gayud; kon wala man kana nagakahitabo, nan ayaw pagtoo kanako nga nagsulti ako kaninyo sa Kamatuoran. Apan kon kini nagakahitabo man, nan toohi nga Siya Kini, "Nianang adlaw ang Anak sa tawo igapadayag na." Amen! Ang Anak sa tawo igapadayag na diha sa lawas nga unod, nga kamong mga tawo sa Iglesia, sa tukma gayud nga sama kaniadto sa wala pa ang mga adlaw sa Sodoma, usa ka pundok nga tinawag pahilayo gikan sa tanan kanila, anaa sa gawas, nga nagatoo sa saad sa Dios. Himaya!

³¹¹ Nan, ang mga buhat nga ginabuhat sa Balaang Espiritu karong panahona, pinaagi niining mga panan-awon nga wala gayud nagakapakyas, mga saad nga wala gayud nagakapakyas, ang tanan nga apostolikanhong mga timailhan nga gisaad diha sa Biblia, sa Malaquias 4, ug, oh, sa Pinadayag 10:7, tanan niana nagakatuman na; ug gipamatud-an pinaagi sa siyentipikanhon, matag uban pang pamaagi. Ug kon wala ako nagsulti kaninyo sa Kamatuoran, kining mga butanga dili mahitabo. Apan kon gisulti ko kaninyo ang Kamatuoran, sila ang nagapamatuod nga gisulti ko kaninyo ang Kamatuoran. Siya sa gihapon mao ra, kagahapon, karon, ug hangtud sa kahangturan, ug ang pagpadayag sa Iyang Espiritu maoy nagadani sa Pangasaw-onon. Tugoting mahulog kanang maong pagtoo (ang pinadayag) diha sa inyong kasingkasing, nga "Mao na *kining* taknaa."

Karon mag-ampo kita.

³¹² Minahal nga Dios, kinsa napadayag sa unod diha sa persona ni Jesus Cristo, nga nabanhaw gikan sa mga patay, sa ikatulo nga adlaw, sumala sa mga Kasulatan, ug mikayab sa Kahitas-an, ug mipadala sa mga tinun-an aron idisipulo ang tibuok kalibutan, ug miingon, "Kining maong mga ilhanan maganunot kanila nga nagatoo."

³¹³ Dios, sa Pentecostal nga iglesia niining adlaw, ang maong pagpabalik sa mga gasa; hinaut, Ginoo, nga kadtong mga tawo, tingali ania ang uban kanila dinhi, ang uban kanila nagapatalinghug sa teyp sa tibuok kalibutan, hinaut nga mapamalandongan nila nga kini mao na ang pagtawag pagawas sa Pangasaw-onon, dili nga usa ka Pentecostal nga mensahe. Ang Pentecostal nga mensahe maoy pagpasig-uli sa mga gasa pabalik diha sa Iglesia. Apan kini maoy pagtawag sa Pangasaw-onon, ang maong usa pa ka Mensahe nga magaabot sa wala pa ang pagsunog sa Sodoma. Tugoti nga masabtan nila, minahal nga Dios. Pagtoo, akong ginatoohan Kini, tungod kay

gipadayag Kini sa Imong Espiritu pinaagi sa Pulong sa Dios ug gipanghimatud-an na ug gipadayag na sa tibuok kalibutan. Sa tinuod, Ginoo, diha sa minorya, ingon niana kanunay ang Imong mga pundok. Apan Ikaw miingon, “Ayaw’g kahadlok, diyutay’ng panon, sa maayong kabubut-on kini sa inyong Amahan nga igahatag kaninyo ang Gingharian.”

³¹⁴ Busa, ako nagaampo, Dios, nga ang tawo dili motan-aw diha sa ilang salabutan, dili motan-aw sa kung unsa may ilang ginahunahuna nga maoy husto, ug motan-aw ngadto sa Kasulatan. Ug sa gikaingon na kagabii, tugoti ang mga tawo dinhi nga mohunahuna sama sa gibuhat sa rayna niadtong mga adlaw sa dakung paglaglag sa Babilonia, siya miingon, “Adunay tawo sa inyong taliwala nga ginganlan’g ‘Daniel,’ nga anaa kaniadto sa gingharian sa imong amahan. Ang Pentecostal nga amahan nga atua sa iyang gingharian, ug Siya maoy tigsulbad sa tanang gikaduhaduhaan.”

³¹⁵ Ug karon, Ginoo, tugoti nga ang Balaang Espiritu nga atua sa Pentecostal nga gingharian kaniadto, ang gingharian nga atua kaniadto ni Martin Luther, atua kaniadto ni John Wesley, ug—ug paingon ngadto ni John Smith ug ni Alexander Campbell, ug sa tanang kapanahonan. Siya mao ang Tigsulbad, Iyang gipangsulbad ang maong mga panghunahuna. Ug ang—ang mga tawo sa mga adlaw ni Luther, kanang tawhana, “Mabuhi ang matarung pinaagi sa pagtoo.” Sa Methodist, Iyang gisulbad ang tanang mga pagduhaduha, nga, “Sila kinahanglan—sila kinahanglan magbalaan,” Ug sa mga adlaw sa pentecostes, nanagpanulti sila ug mga dila, gipakita ang mga pagpadayag sa Espiritu pinaagi sa Balaang pagpang-ayo ug uban pa, gisulbad Niini ang tanang mga pagduhaduha diha sa pentecostal nga kasingkasing. Apan, O Dios, nag-denominasyon sila. Nangbalik sila mismo diha sa pagdawat ug mga ideya sa tawo. Busa, karon sa diha nga ang Pangasaw-onon ginapangtawag na ingon nga Imo kining gisaad dinhi sa Kasulatan, nga ginabasa Kini sa kalibutan, sa matag gabii, ug ginasaksihan Kini sa among mga mata. Dios, hinaut nga sulbaron Niini ang tanang mga pagduhaduha diha sa kasingkasing sa mga tawo. Hinaut nga sila mokalagiw sa labing dali ngadto sa dayag nga Anak, aron sa pagpahinog, aron dalhon paingon sa dapa ug dili mahabilin diha sa banay aron sunogon, apan hinaut nga mahiuban sila ngadto sa maong dapa niining gabhiona. Sa Ngalan ni Jesus Cristo. Amen.

Salamat sa inyong pagpaminaw. Tugoti nga makigsulti and Dios diha sa inyong kasingkasing.

³¹⁶ Karon, kamo ba’y . . . May gipanghatag kita nga mga prayer card. Karon, mokuha kita’g kaluhaan ka mga minuto karon, alang sa usa ka linya sa pagpaampo. Gusto natong makalinya sa labing dali, ug moduol dinhi sa intablado ug moampo. Ug karon, wala ako mahibalo kon pila ba kaha ang mga kard nga napanghatag na. Wala ko pa gyud napangutana si Billy sa usa ka

butang. Miingon lang ako, “Napanghatag na ba nimo . . . adto na didto ug panghatag na ug pipila ka mga prayer card.” Ug mibalik siya ug iyang gihapitan ang iyang inahan ug ako ug sila didto, sa dili pa lang dugay. Karon, ako—ako . . . na . . .

³¹⁷ Bueno, nagsugod ka ba sa usa ka gatus, o sa uno, ug sa uno paingon sa usa ka gatus, o unsa man? [Si Igsoong Billy Paul nagaingon, “Uno ngadto sa usa ka gatus.”—Ed.] Uno ngadto sa usa ka gatus. Sige.

³¹⁸ Ato nang tawgon ang prayer card numero uno. Kon anaa kini kanimo, ipataas ang imong kamot aron akong makita. Kon dili mo mahimo . . . kon mahimo mong motindog . . . kon dili nimo mahimo, alsahon ka namo. Prayer card nga numero uno, pagdali. Kinsa bay aduna niana? Unsa bay imong ingon? Letrang A, numero uno. (pasayloa ko) Letrang A, nga numerong . . . Kining gining dinhi, anaa ba kanimo ang kana nga kard? Duol ka ngari, mahimo mo ba gining? Letra A, nga numero dos. Anaa ba kini kanimo, kinsa man? Ipataas ang imong kamot dayon. Dinhi mismo, gining, duol ngari. Numeros tres. May kard ba? Aduna ka bay kard? Kamong tanan walay kard, walay mga kard? Huh? Sige, dili na ninyo kinahanglan nga magkaaduna niini. Tres, kwatro, singko. Letrang A, uno, dos, tres, kwatro, singko. Tan-awon nato, aduna nay uno, dos, tres, kwatro, singko. Letra A . . . Sige, ania sila . . . Singko, sais, siete, otso, nuebe, dies. Sige, paglinya lang, pagsugod na lang ug linya.

³¹⁹ Karon, kon dili kamo makaanhi, iwarawara ang imong kamot sama niana aron ila kamong alsahon. Gipangutana ko kining mga tawo dinhi, nga walay mga kard . . . Wala na kinahanglana, ginapangutana ko lang kaninyo. Karon tan-awa, kamo—kamong mga bakul nga mga tawo dinhi, sa pagtoo ko gikinahanglan niyang moanhi’g sayo, tungod kay, siya, ang gisulti ko kaniya, “magsayo.” Karon, wala na kinahanglana nga magbaton pa’g kard, kon anaa kanimo kanang pagtoo sama sa akong gitudlo. Kita n’yo, kon nahipadayag kini kaninyo, maayo. Kon wala kini nahipadayag, bisan kon makalinya ka pa ug usa ka dosenang kapiloon sa mga linya sa pagpaampo, dili kini makatabang bisan diyutay nalang. Nasayod ba kamo niana? Nagatoo ba kamo niana? Kita n’yo? Makaampo ako, buhaton ko ang kutob sa akong mahimo, moluhod pa ako, ug pandongan kamo sa mga kamot, dihogan pa kamo ug lana, sa unsa pa man nga pamaagi nga gusto n’yo, ug moampo pa. Hangtud nga ang Dios, pinaagi sa grasya, ginapadayag kana diha sa inyong kasingkasing, nga “Kini wala na,” nan kini human na. Dili mo na gani kinahanglan pang maanaa pa sa linya o asa pa man, nahuman na kini bisan unsaon pa.

³²⁰ Sige, kwatro . . . Uno, dos, tres, kwatro, singko, sais, siete, otso, nuebe, dies, onse, dose, trese, katorse, kinse. Segi, dise-sais, dise-siete, dise-otso, dise-nuebe, baynte. Aduna ba ako’y

gitawag nga may kard ug dili makatindog? Ipataas ang imong kamot, may kard ug dili makatindog. Sige.

. . . only believe,

Akong mahunahunaan ang makalulo-oy, gamay'ng, si Anna Jean nga nagalingkod, nga nagatugtog niana sa tibukod gabii, halos, diha sa usa ka higayon. Gusto ko ang tanan nga magahilum ug magmatinahuron, sa nasayran n'yo na.

. . . only believe;

Karon, ang mga prayer card nga uno hangtud sa kinse, sa pagtoo ko'y mao na.

. . . only believe,

Medyo nagdasok na sila dinhi ug diyutay, busa ato—ato nang pagasugdan. Unsay imong maingon?

. . . possible . . .

³²¹ Uno, dos, tres, kwatro, singko, sais, siete, otso, nuebe, dies . . . Karon, medyo nagkadaghan na kaayo kamo. Nanobra na kana kay sa atong gitawag. Sige lang. Pagpabilin nga nakatindog, kon diin man kamo. Dili ang maong usa lang . . . kamo'y . . . maampoan gyud kamo, apan lamang . . . Kita n'yo, paabot lang hangtud nga ila nang tawgon ang inyong numero. Aron nga, nahibalo na mo, wala na kita'y daghan kaayong nagatindog dinhi. Kung magahimo man ang Ginoo ug usa ka butang, masalipdan ninyo kini sa mga katawhan ug dili sila makakita niini, kita ninyo. Ang Dios magapanalangin kaninyo.

Karon moampo kita alang niining mga panyo samtang nagapangandam sila.

³²² Minahal nga Dios, ania ang mga panyo nga napahimutang dinhi nga nagagikan sa mga masakiton ug balatianon. Kining maong pagtoo nga among bag-ohay pa lang ginahisgotan, Ginoo; Akong mahinumdoman nga Ikaw nagaingon, sa Biblia, diha sa Basahon ni Judas, "Makigbisog sa pagpanalipod sa tinooan nga sa makausa ra ug sa dayon gikatugyan ngadto sa mga balaan." Ug gikan sa lawas sa mga balaan ilang gikuha ang mga panyo, dili tungod kay sila mga espesyal nga mga tawo, kondili tungod kay sila mga tawong nagatoo. Mga tawo silang sama lang kanamo. Sila miingon, si "Elias" sama niana kaniadto ug siya "nakigbisog sa pag-ampo nga dili moulan." Ug, Dios, nag-ampo siya *niana* aron nga ang mga tawo maghinulsol. Imong gipadayag kini ngadto kaniya sa pag-ampo alang kanila, sa pag-ampo nianang paagiha aron matuman ang Imong Pulong. Sa walay pagduhaduha Imong gipakita sa propeta ang usa ka panan-awon. Ug, Ginoo, karong gabhiona nagaampo ako alang niining mga tawo nga sila mangaayo. Dili ako si Elias, siya gidala na paingon sa Langit, apan ang iyang Kinabuhi ug Espiritu sa gihapon nagapadayon nga buhi. Busa kami nagaampo, minahal nga Dios, nga Ikaw magadungog sa mga pag-ampo sa Imong

mga katawhan. Ug Imong dunggon kaming tanan karon samtang nagaampo kami alang niining mga panyo, nga sa dihang ilang igapahimutang kini diha sa masakiton sila manga-ayo.

³²³ Among napamalandong, Amahan, nga kami usa ka—usa ka himalasyon na nga kaliwatan sa mga katawhan. Kami paingon na . . . nag-atubang—nag-atubang sa Eternidad. Ang kalibutan wala na sa pangisip. Mga pagbuno; mga gagmay nga batang babaye gipanaghiwahiwa ug gipanglugos. Ang mga tawo, mga buhok sa lalaki nga sama na sa mga babaye, ang mga babaye nga daw sa lalaki na, nangabalit-ad na gayud sila. Himalasyon na ang kaliwatan. Himalasyon na ang kalibutan. Himalasyon na ang tanang butang. Himalasyon na ang iglesia.

³²⁴ O Dios, paghatud ug Kinabuhi. Ihatud ang Kinabuhi, O Dios, Kinabuhi sa pagtoo. Ipadayag niining mga tawo, Ginoo. Ako makaampo lamang ug makapandong sa akong mga kamot diha kanila. Apan Ikaw Mao ang makaayo kanila, ug Ikaw lamang ang makaayo kanila. Ako nagaampo nga Imong buhaton, Amahan, ngadto sa usa ug matag-usa. Itugot kini, uban sa akong mga kamot diha kanila, ug nagahangyo sa tibuok kong kasingkasing; sa Ngalan ni Jesus Cristo, ayoha kining mga tawo. Amen.

³²⁵ Karon, nagaandar ba kining mayk, igsoon? Karon madungog ba ninyo diha ug ayo? Ang tanan makadungog ba niana? Ipataas ang inyong kamot. Maayo. Karon, bisan unsaon pa man, ang akong kasingkasing ania niining mga tawo dinhi, nga nagalingkod dinhi niining—niining lingkoranan, mga kama ug mga dayongan . . . sila “wala gani nakabaton ug usa ka prayer card.” Kita n’yo? Apan, tan-awa, igsoon, kita n’yo, kining mga tawo nakabaton ug mga prayer card, apan wala kana nagpasabot nga mamaayo sila. May mga tawo nga nagalingkod diha sa mga mananambong, tingali, kana—kana—kana wala nagpasabot nga sila—sila—sila mamaayo. Kana—kana wala nagaingon nga—nga sila mamaayo o dili mamaayo. Kana tanan nagaagad diha sa ilang pagtoo sa Dios. Pila man ang nasayod nga kana maoy tinuod? Mao lang kana, ang ila lang pagtoo sa Dios. Bueno, karon, pila man ang nasayod nga kana maoy tinuod? Bisan kon unsa ka pa ka relihiyoso, kon unsa pa ka maayo o kon unsa ka pa ka dautan, gawas kon ang grasya sa Dios mahiabot na diha sa imong kasingkasing, dili ka gayud maayo. Karon, pila man ang nasayod nga gihimo na kini sa Dios, gihimo na kini sa una pa, dagkung mga milagro, mga timailhan ug mga kahibulongan? Ug karon, nagaduol kamo niining gabhiona, nagatindog niining maong linya, dili tungod kay kamo gipili sa Dios nga motindog niining linyaha, dili mao kini; nagkaaduna lang kamo’y prayer card, nahitabo lang nga diha sa inyong. . . [Blankong bahin sa teyp—Ed.]

³²⁶ Ang maong pamaagi katukma gayud nga sama sa akong talahurong Igsoon nga si Gerholtzer dinhi, nga nagsugod sa

iyang ministerio sa dugay nang mga katuigan ang milabay, [Blankong bahin sa teyp—Ed.] . . . nga may pagtoo sa Dios, nagatoo sa Dios, nagatoo nga ang Dios nag-ayo sa masakiton pinaagi sa pagtoo. Ug wala gayud kini nausab, apan ang Dios nagdugang niining katapusang adlaw, sa mga gasa, mga gasa nga Iyang gisaad. Gibuhat kini sa Dios tung- . . . dili tungod kay gikinahanglan Niyang buhaton, kondili tungod kay gisaad Niyang buhaton. Ug kon Iyang gisaad, nan Iyang kinahanglan buhaton kini; tungod kay kinahanglan Niyang tumanon ang Iyang Pulong.

327 Ug misaad Siya kaninyo sa mao rang butang, nga mao'y, “Kon mahimo mong toohan nga mahitabo gayud kini.” Kon dili mo mahimong toohan Kini, dili gayud kini mahitabo. Karon, dili ko mahimong patoohon ka, ni nga mahimo mong patoohon ang imong kaugalingon. Ang Dios kinahanglan ang mao'y mohatag niini kanimo. Usa kini ka gasa sa Dios, aron motoo. Dili ang imong pagtoo, ang pagtoo sa Dios. Ang imong intelektuwal nga pagtoo tingali motoo niini nga maayo, apan gawas nga ang pagtoo sa Dios anaa diha sa imong kasingkasing. . . Kita n'yo, ang imong intelektuwal nga pagtoo makadawat, sa pagbuhat niana. Ug padayon lang nga toohan kini diha sa tibuok mong kasingkasing hangtud nga igapadayag kini sa Dios kanimo. Kita n'yo? Padayon lang nga toohan kini hangtud nga igapadayag na kini sa Dios. Apan hangtud nga Iyang igapadayag kini . . .

328 Moingon ka, “Igsong Branham, unsay imong giingon dinha?”

329 “Oo, sir!” Nagpadala ang Dios ug usa ka propeta ngadto kang Ezechias ug misulti kaniya, “Dili na ka makabangon nianang higdaanan,’ MAO KINI ANG GINAINGON SA GINOO. ‘Mamatay ka nianang higdaanan.’” Husto kana?

330 Apan miliso kanang propeta . . . o kanang maong hari gipaatabang ang iyang nawong sa bongbong, ug mihilak diha sa mapait nga mga luha, ug miingon, “Ginoo, nagkinahanglan pa ako ug napulo’g lima ka mga tuig. Nagahangyo ako Kanimo, Ginoo, sa pagpatalinghug kanako.” Karon, ang hari maoy pinakadakung tawo sa kalibutan, diha sa politika; apan, ang propeta maoy pinakadaku, diha sa panan-aw sa Dios. Mao kadto’y hari sa Dios; apan kini mao ang propeta sa Dios. Busa, ang Dios mipadayag ngadto sa propeta sa pagtangtang sa pipila ka . . . pipila ka hubag . . . [Blangkong bahin sa teyp—Ed.] Nahibalo na mo, nasabtan ba?

331 Karon, aron nga masabtan ninyo karon, tungod kay ako nang giwali ang mga Kasulatan dinhi, “Maingon sa mga adlaw sa Sodoma, maingon usab niini sa pag-abot sa Anak sa tawo.” Sa mga adlaw ba nga ang iglesia ginapadayag na? Dili! “Sa mga adlaw nga ang Anak sa tawo ginapadayag na.” Unsa bay *gipadayag na?* Gipaila na! Husto ba kana? Ipadayag! Ang maong

adlaw nga ginapadayag ang Anak sa tawo, kini maoy usa ka adlaw nga mahisama sa Sodoma ug Gomora. Husto ba kana?

³³² Karon, tan-awa kon unsay nahitabo. Aduna sila’y duha ka mga nagapangunang mensahero, didto sa Sodoma ug Gomora, tungod kay didto adunay pundok sa dagaang nga mga Cristohanon. Husto ba kana? Ug sila may duha ka nagapangunang mga mensahero (karon pamati’g maayo) didto sa Sodoma ug Gomora, nagawali. Apan ang usa kanila nagpadayon nga nagtindog dinhi kauban sa pundok ni Abraham. Husto ba kana?

³³³ Karon tan-awa! Wala pa gayud kita’y, diha sa tibuok kasaysayan sa iglesia, nagkaadunay usa ka pangtibuok-kalibutan nga mensahero ngadto sa iglesia nga ang iyang ngalan naghinapos diha sa h-a-m, hangtud sa karon: G-r-a-h-a-m, nga maoy unom ka mga letra, G-r-a-h-a-m. Apan ang ngalang Abraham gilitok sa letra: A-b-r-a-h-a-m, pito ka mga letra. Kita n’yo? Busa ang pangtibuok-kalibutan nga iglesia, ingon nga letra sa tawo, unom, hinimo’g tawo nga organisasyon, bisan pa niana may gidawat sila nga ilang mensahero. Nagkaaduna sila’g usa ka Sankey, Moody, Finney, Knox, Calvin, uban pa, apan wala gayu’y usa ka “h-a-m.” Husto ba kana? Apan nakabaton sila niini, ug usa siya ka mensahero, nga gisugo gikan sa Dios, ug ginabunalan niya kadtong mga pader kutob sa iyang mamahimo, “Panggawas kamo dinhi! Paghinulsol o mangalaglag kamo!”

³³⁴ Apan hinumdomi, ang Pinili, predestinado, gikatagana nang daan nga pakigsaad, si Abraham ug ang iyang panon, adunay Mensahero, usab. Uh-huh. Tan-awa kung unsay Iyang gibuhat. Gihatagan Niya sila ug usa ka ilhanan nga ang panahon haduol na alang sa maong pag-ulan sa kalayo. Karon, kalayo na karon ang atong ginapaabot, atomikang kalayo, ang kapungot sa Dios.

³³⁵ Karon, kanang maong Mensahero nagbuhat ug usa ka butang. Gisulti Niya ang mahitungod sa usa ka babaye samtang nagtalikod Siya, ug gisultihan siya—ug gisultihan siya nga iyang ginaduhaduhaan ang kung unsa may Iyang gipanulti, gisultihan siya sa iyang mga kahimtang ug kon unsay mahitabo. Husto ba kana? Nagsulti ba Siya nga igapadayag sa Anak sa tawo ang Iyang Kaugalinghon diha sa mao ra gihapong paagi niadtong adlaw? Bueno, nagatoo ba kamo nga kana mao’y Kamatuoran?

Bueno, ania nagatindog ang usa ka babaye, . . .

³³⁶ Ug diha sa dili-makita nga panaghiusa sa Iglesia, ang Pangasaw-onon ngadto kang Cristo, kanang maong Mensahero ania na dinhi karon, nga mao si Jesus Cristo, ang mao ra kagahapon, karon, ug hangtud sa kahangturan.

³³⁷ Karon, nagasulti lamang Siya pinaagi sa Iyang mga propeta. Mao’y giingon sa Biblia! “Wala gayud Siya nagabuhat sa bisan unsang butang kondili una Niya kining ipakisayod ngadto sa Iyang mga propeta,” Amos 3:7. Kanunay ingon niana ang Iyang

gibuhat. Wala gayud Niya usba ang Iyang sumbanan. Kita n'yo? Ug ang propeta makasulti lamang, kon siya'y matuod, sa kon unsay ginasulti sa Dios kaniya. Husto ba kana? Tinuod kana.

³³⁸ Karon, nagatoo ba kamo nga mahimo Niyang isulti kanako sa kon unsay diperensya diha niining babaye bisan wala ko pa gani siya tan-awa? Nagatoo ba kamo niini? Aba, nagaantus siya diha sa kanser. Husto kana. Anaa kini sa iyang suso. May anak siya nga lalaki, diha sa iyang hunahuna, ang maong lalaki nag-antus diha sa usa ka matang nga sakit sa utok, nerbyos nga kahimtang, ug mga komplikasyon. Husto kana. Nagatoo ka ba niana? Ug tinuod kana, dili ba? Nagatoo ka na ba karon nga ang imong pagtoo maoy nagasulti niana, nakaangkla na, nga naangkon mo na kini, maangkon na nimo kini? Nan lakaw, ug ang Ginoong Jesus magaaayo na kanimo. Kita n'yo? Oo. Kita n'yo? Nagatoo ba mo? Sa tibuok ninyong kasingkasing?

³³⁹ Karon, nagatoo ba mo, nga sa walay pagtan-aw niining babaye, ang Ginoong Jesus mahimong isulti kanako kon unsay iyang sakit? Pila man ang nagatoo niana? Karon, nasayod kamo . . . ug wala ko pa gayud gani . . . Akong . . . ang butang lang, nga ako lang nakita ang usa ka sayal. Wala ako mahibalo, dili masulti kon kini lalaki o babaye ba; apan nagatindog lang diha. Gusto kong toohan niya. Nagatoo ka ba, gining? Ania, ang pasyente, nagatoo ka ba? Ipataas ang imong kamot kon ikaw nagatoo. Kon ikaw nagatoo sa tibuok mong kasingkasing, maangkon mo ang maong bata nga imong ginapangayo sa Dios. Kita n'yo? Kita n'yo? Nagatoo ka ba? Aduna ka bay pagtoo sa Dios? Karon, wala kana nagaayo, nagpaila lamang kana. Kana ang maong mga buhat nga nagapaila sa pagtoo sa Presensya sa Dios, ang Iyang Pulong nga gipadayag.

³⁴⁰ Kining maong babaye nagapangandoy ug usa ka dakung butang, usab. Dili kana usa ka bata, apan nagapangandoy siya sa Bautismo sa Balaang Espiritu. Sultihan ko ikaw sa unsay imong pagabuhaton. Kon undangan mo kadtong mga pagsigarilyo, igahatag kanimo sa Dios ang bautismo sa Balaang Espiritu. Lakaw, tohi Kini, kita mo. Nagatoo ka ba? May pagtoo ka ba sa Dios?

³⁴¹ Kining lalaki nga nagatindog dinhi, maoy usa ka tawo nga wala ko pa nakita sa akong kinabuhi. Wala ako makaila kaniya, apan siya nagaantus diha sa usa ka butang nga diperensya sa iyang dughan. Aduna siya'y pagkahulog nga maoy nakapaingon niana, sa dili pa lang dugay. Dili siya taga-dinhi, gikan pa siya sa Arkansas. Usa siya ka magwawali. Pauli ka na, iwali ang Maayong Balita. Kita n'yo? Kita n'yo? Kita n'yo? Wala ko pa gayud nakita sukad ang nawong sa maong tawo.

³⁴² May usa ka babaye nga nagatindog dinhi, wala ako makaila sa babaye, wala ko pa gayud makita siya sa akong kinabuhi. Nakaila ang Dios kaniya.

343 Kon mahimo Niyang ipadayag kon unsay iyang sakit, o butang nga bahin niini, motoo ba kamo? Tanan ba kamo? Usa lamang kini ka buhat nga nagapaila sa maong pagtoo nga gikinahanglan kong iwali mahitungod sa kon unsay akong ginasulti kaninyo, niining gabhiona. Mao kana kon unsa'y gipadayag sa Dios, ug kini mao ang mga buhat nga nagapamatuod Niini. Karon, kinahanglan magkaaduna mo'y pagtoo aron mamaayo.

344 Kining babaye dinhi, wala ako—wala ako siguro makaila kaniya. Oo, wala ako makaila kaniya apan nailhan ko ang usa ka tawo nga kaila niya, tungod kay ako siyang makita nga nagatindog sa atubangan ko. Nag-antus siya diha sa sakit sa ulo. Dili ba kana husto, gining? Nagatoo ka ba nga ayohon ka sa Dios? Igsoong babaye ni Pearry Green. Husto kana. Wala ko pa gayud siya makita sa akong kinabuhi. Tinuod kana. Akong makita si Pearry Green nga nagatindog dinhi, nga nagatan-aw kanako, naga *ingon niana*. Nga nagapaanhi lang, kita n'yo. Husto. Wala ako masayod kon asa na si Pearry Green. Nagatoo ba mo? Unsa ba ka daku ang inyong pag-too? Kon makatoo kamo, mamahimo ang tanang butang. Kon dili kamo makatoo, walay gayu'y mahitabo.

345 Kanang gamay'ng babaye nga ubanon na'g buhok, nagalingkod diha nga nagatan-aw kanako, dinhi mismo, nagatoo ka ba sa Dios? Nagatoo ka ba nga mahimong ipadayag sa Dios kanako kon unsay imong ginahunahuna dinha? Adunay tumor sa suso. Nagatoo ka ba sa Dios nga mahimo Niyang tangtangan kini alang kanimo? Oo. Magtoo ka ug saligi. Karon, unsa bay iyang gitandog?

346 Ang babaye nga mihikap sa sidsid sa Iyang kupo, ang Biblia miingon. . . Kamo nga gustong tan-awon ang Biblia, Siya miingon, “Siya usa ka Labawng Sacerdote nga arang matandog sa pagbati sa atong mga kaluyahon.” Dili ba kana'y husto? Siya kanang maong Labawng Sacerdote ug nagatindog Siya mismo dinhi, karon ang mga tawo ginatandog Siya.

347 May usa ka gamay, maniwang nga babaye, mipataas sa iyang kamot, nagalingkod dinhing dapita. Wala ko pa siya makita sa akong kinabuhi, apan bag-o lang niya nahikap ang usa ka butang. Kana'y mao kini. Nagaampo siya ngadto sa Dios. Aduna siya'y sakit sa iyang dughan, aduna usab siya'y sakit sa tiyan. Giayo ka na sa Dios, kon toohan mo Kini. Kinahanglan nga toohan mo. “Ang tanang butang mamahimo alang kanila nga nagatoo.”

348 May usa ka tawo nga nagalingkod diha gyud sa likod, nga nagatan-aw dinhing dapita (sa mga ikaduhang laray, dinhing dapita), nagaantus sa hubak. Nagatoo ka ba nga ayohon ka sa Dios, sir? Kon ginatohan mo Kini, ayohon ka sa Dios. Maangkon nimo ang imong ginapangayo, kon toohan mo Kini.

³⁴⁹ May usa ka babaye nga nagalingkod mismo dinhi, nagatan-aw kanako, sa tabok dinhi, ubanon na'g buhok. Kon nagatoo ka sa tibuok mong kasingkasing . . . Ginatoohan mo ba Kini? Sige, kanang sakit nimo sa pantog mobiya na diha kanimo, kon toohan mo Kini.

³⁵⁰ Unsa bay imong hunahuna bahin Niini, nga nagahigda diha sa kama? Nagatoo ka ba nga mahimo kang ayohon sa Dios? Kung isulti sa Dios kanako ang imong sakit, toohan mo ba Siya? Kung motoo ka, kanang kanser mobiya kanimo ug mamaayo ka. Nganong dili man ka motindog, ug dad-on ang imong higdaanan, ug mouli na? Nagatoo ka ba? Motoo ba kamong tanan? Bueno, karon, unsaon na man karon? Gihulog na ba sa Dios kanang maong pagtoo diha sa inyong kasingkasing? Ang matag-usa nga ania dinhi, ipataas ang inyong kamot. Kon gihulog na sa Dios kanang maong pagtoo diha sa inyong kasingkasing, ipandong nato ang inyong mga kamot diha sa usa'g-usa, hangtud mismo sa linya dinhi. Ipandong ang inyong mga kamot diha sa . . . Karon mismo, sa labing dali, samtang nagapanglihok ang Balaang Espiritu, ipandong ang inyong mga kamot diha sa usa'g-usa. Mitindog na ang maong tawo, nagadagan na paingon sa linya, nagaampo na alang sa uban.

³⁵¹ Mangtindog kita ug hatagan ug pagdalayeg ang Dios, ang matag-usa. Dili kinahanglan nga modugay pa. Ilha si Jesus Cristo nga mao sa gihapon kagahapon, karon, ug hangtud sa kahangturan. Kamo, unsa pa man ang inyong mga balatian, bisan unsa pa kini, kon nagatoo kamo Kaniya, pagtindog, karon mismo, ug toohi.

³⁵² Dios nga Makagagahum sa tanan, ang Dios ni Abraham, ang Dios ni Isaac, ang Dios ni Jacob, ipadala ang Imong gahum ug ayoha kining maong pundok sa mga tawo karon, sa Ngalan ni Jesus Cristo. Amen.

Himaya ngadto sa Dios! Ang Dios magapanalangin kaninyo.



ANG MGA BUHAT MAO'Y PAGTOO NGA NADAYAG CEB65-1126
(Works Is Faith Expressed)

Kining Mensahe ni Igsoong William Marrion Branham, una giwali sa Ingles niadtong Biernes sa gabii, Nobyembre 26, 1965, sa Life Tabernacle sa Shreveport, Louisiana, U.S.A., gibalhin gikan sa magnetikong teyp rekording ug gipatik nga walay nakulang sa Ingles. Kining Cebuanong hubad pinatikan na ug gipang-apodapod sa Voice of God Recordings.

CEBUANO

©2010 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org